


RECEIVED




\$7.50



Constitution of the Republic of the Marshall Islands

Jemen-Ei
eo au
Marshall Islands



KOBAN SUK IN

BEDBED IN KOTOBAR

Page 1

ARTICLE I - JEMEN-EI EJ KIEN EO EUTIEJTATA

Page 2

- Section 1. Jemen-Ei in ej Kien eo Eutiejtata
- Section 2. Wewin ko Rejelet Jemen-Ei In
- Section 3. Wewin Komesele im Kojerbal Jemen-Ei In
- Section 4. Kabin Jemen-Ei In

Page 2
Page 2
Page 2
Pages 2-3

ARTICLE II - MARON IM JIMWE KO

Page 3

- Section 1. Anemkwoj in Lemnak, Konono, Letoletak Melale, Kabun Kwelok, Komon Droulul, Im Komon Kajitok
- Section 2. Kibel im Kejberal ilo Komakoko
- Section 3. Etale im Bok ko rej jab Ekkar
- Section 4. Jerbal Jejjit im Ekajet Jimwe'
- Section 5. Wonen eo Ejimwe im Jejjit
- Section 6. Kaje ko Redro im Jeja
- Section 7. Habeas Corpus
- Section 8. Ex Post Facto Laws im Bills of Attainder
- Section 9. Na Imon Dri Tarinae Ro
- Section 10. Kalbuj kin Muri
- Section 11. Jiton non Tarinae im Makoko in Jerbal ilo Jar in Tarinae
- Section 12. Kebjarok im Anemkwoj eo Jonan Wot Juon ilo Ejelok Kalijeklok
- Section 13. Jimwe Eo An Armij im Jokane Eo An
- Section 14. Maron Eo An Juon Armij im Jokane Eo An
- Section 15. Ejjmour, Jelalokjen, im Legal Services
- Section 16. Kien Jimwe im Mol
- Section 17. Jimwe im Maron Ko Jet
- Section 18. Kojerbal Mottan Ko Ikjien Maron im Jimwe Ko

Pages 3-4
Page 4
Pages 4-5
Pages 5-6
Pages 6-7
Page 7
Pages 7-8
Page 8
Page 8
Page 8
Page 8
Pages 8-9
Page 9
Page 9
Page 9
Page 9
Pages 9-10
Page 10

ARTICLE III - COUNCIL AN IROIJ

Page 10

- Section 1. Council an Iroij
- Section 2. Jerbal im Edro ko an Council An Iroij
- Section 3. Kajitok Ko non Bar Etali Bill Ko
- Section 4. Wonen ro Uan Council An Iroij
- Section 5. Chairman im Vice-Chairman ro an Council An Iroij
- Section 6. Jerbal ko an Chairman eo
- Section 7. Wewin Jerbal an Council An Iroij
- Section 8. Jea ko Ejelok Kobbair ilo Council An Iroij
- Section 9. Dri Binej Jenkwon ro uan Council An Iroij
- Section 10. Jimwe ko an Council An Iroij im Ro Uan
- Section 11. Clerk eo an Council An Iroij

Pages 10-11
Page 11
Page 12
Page 13
Page 13
Pages 13-14
Page 14
Page 14
Page 14-15
Page 15
Page 15

ARTICLE IV – RAN KOMAN KIEN EO

Page 16

Section 1. Maron in Komon Klen Ebed Iben Nitijela Eo	Page 16
Section 2. Uan Nitijela Eo	Page 16-17
Section 3. Ekaleel Uan Nitijela Eo	Page 17-18
Section 4. Ro Remaron in Jibarok	Page 18
Section 5. Dri Jerbal ro an Kien im Rej Dri Jibarok ak ro Emwij Kelet Ir	Page 18
Section 6. Jea ko Ro Uan Nitijela rej Emakit Jene	Page 18-19
Section 7. Speaker eo im Vice-Speaker eo	Page 19
Section 8. Jerbal ko an Speaker eo	Page 19-20
Section 9. Na Lemen Kajitok ko Ikijien ro Uan Nitijela	Page 20
Section 10. Kwelok ko an Nitijela	Page 20-21
Section 11. Wewin ko Ikijien Kojemlok Kwelok ko im Kakije ko an Nitijela	Page 21-22
Section 12. Kokaal Nitijela eo im Ekaleel eo Elap	Page 22
Section 13. Wewin ko non Kokaale Nitijela im Ekeleel eo Elap Emokajlok	Page 22
Section 14. Clerk eo an Nitijela	Page 23
Section 15. Rebeltan Kwelok im Makitkit Ko an Nitijela	Page 23-24
Section 16. Jimwe ko an Nitijela im Ro Uan	Page 24
Section 17. Wonen ro uan Nitijela	Page 25
Section 18. Jakemantak Bill ko ilo Nitijela	Page 25
Section 19. Eon ko Ikijien Bill ko rej Kalkkar Wonen ko	Page 25
Section 20. Wewin ko Ikijien Bill ko rej Kwelok Maron ko non Erom Dri Ekajet ro	Page 26
Section 21. Ne Bill ko rej Erom Kien	Page 26

ARTICLE V – RAN LOLORJAKE KIEN EO

Page 26

Section 1. Maron an Ran Lolorjake Kien im Kobain Edro an Cabinet eo	Page 26
Section 1. Maron an Ran Lolorjake Kien im Kobain Edro an Cabinet eo	Page 26-27
Section 2. Karokan Cabinet eo	Page 28
Section 3. President Eo	Page 28
Section 4. Ijiton Koban Cabinet eo Elkin Kelet President eo	Page 28
Section 5. Elajrak in Jerbal ko	Page 29
Section 6. Jiton Minister Ro im Kelajrak Jerbal ko ilo ien ko jet	Page 29
Section 7. Vote in Jelegt ilo Cabinet eo	Page 29-30
Section 8. Minister ro Ejemlok air Jerbal	Page 30
Section 9. Dri Binej Jenkwon President eo	Page 30-31
Section 10. Kwelok ko an Cabinet	Page 31
Section 11. Bebe im Lomnak ko Jet Kommon jen Cabinet eo	Page 31
Section 12. Clerk eo an Cabinet	Page 31-32

ARTICLE VI – RAN EKAJET EO

Page 32

Section 1. Maron an Jikin Ekajet Eo	Page 32-33
Section 2. Supreme Court Eo	Page 33-34
Section 3. High Court Eo	Page 34
Section 4. Traditional Rights Court Eo	Page 34-35
Section 5. Judicial Service Commiccion Ea	Page 35-36

ARTICLE VII – PUBLIC SERVICE EO

Page 36

Section 1. Public Service eo an Marshall Islands	Page 36-37
Section 2. Chief Secretary Eo	Page 37

ARTICLE VII --PUBLIC SERVICE EO (MANTAK JEN PAGR EO LOKAN)

Section 3. Attorney-General Eo	Page 37-38
Section 4. Secretary eo an Finance	Page 38
Section 5. Public Service Commission Eo	Page 38
Section 6. Toon Jerbal an ro uan Public Service Commission Eo	Page 38
Section 7. Wonen ro uan Public Service Commission Eo	Page 39
Section 8. Wewin an Jerbal Public Service Commission eo	Page 39
Section 9. Jerbal im Maron ko an Public Service Commission Eo	Page 39
Section 10. Ujiten ko iloan Public Service Eo	Page 39-40
Section 11. Korkan Jerbal ilo Public Service Eo	Page 40

ARTICLE VIII --RA EO EJ KOJBAROK MONEY

Section 1. Ran Kommon Kien eo ej Komakitkit Money	Page 40
Section 2. Cabinet eo ej Bok Edroin Makitkit ko an Budget	Page 40-41
Section 3. General Fund	Page 41
Section 4. Driojlok ko jen General Fund ak Public Account ko jet	Page 41
Section 5. Cabinet eo ej Lolorjake Driojlok in Money im Kwelok Jenlok in an Jerbal non Nitijela	Page 41-42
Section 6. Bill in Kojemoj ilo Aolep Yio	Page 42
Section 7. Elnakot im Bar Kelajrak Money in Driojlok ko	Page 42-43
Section 8. Bill ko non Money in Kabwebwe	Page 43
Section 9. Money in Kobetaklik ko	Page 43-44
Section 10. Kojemoj ko Ejemlok Kitier	Page 44
Section 11. Kolla Wonen Jet Officer ro jen General Fund Eo	Page 44
Section 12. Muri ko an Public Kollaik jen General Fund Eo	Page 44
Section 13. Auditor-General Eo	Page 44-45
Section 14. Wonen Auditor-General Eo	Page 45
Section 15. Bwini Account Ko	Page 45

ARTICLE IX KIEN KO AN KAJOJO AILIN

Section 1. Maron non Juon Karokan Kien an Ailin Eo	Page 45-46
Section 2. Maron in Komon Kien an Ailin Eo	Page 46

ARTICLE X MANTIN AILIN KEIN

Section 1. Kejbarok Mantin Ailin Kein Ikijien Bwirej	Page 46-47
Section 2. Kwelok ak Kalikar Mantin Ailin Kein	Page 47

ARTICLE XI DRI AILIN KEIN

Section 1. Armij ro rej erum dri Ailin Kein	Page 47
Section 2. Armij ro Remaron Erum Dri Ailin Kein	Page 47-48
Section 3. Maron ko an Nitijela Ikijien Armij in Ailin Kein	Page 48

ARTICLE XII --KAKOBABA NON JEMEN--EI IN

Page 48

Section 1. Maron in Kommon Kakobaba non Jemen-Ei in

Page 48-49

Section 2. Karkarin Kakobaba Ko

Page 49

Section 3. Kakobaba jen Jerbal ko an Nitijela im Referendum

Page 49

Section 4. Kakobaba ko jen Constitutional Convention eo im ko an
Referendum eo

Page 50-51

Section 5. Kamol jen Speaker Eo

Page 51

Section 6. Edro eo non Report

Page 51

ARTICLE XIII --OKTAK KO MANLOK

Page 51

Section 1. Kien ko klo rej Wommanlok wot

Page 51-52

Section 2. Municipal Council ko renaj Kien ko an Allin ko

Page 52

Section 3. Oktak in Kien Iumai Jemen-Ei in

Page 52

Section 4. Lor im Jokkin wot juot. Ibben Bujen Trusteeship eo

Page 52-53

Section 5. Karok ko jen Marshali Islands Nitijela

Page 53

Section 6. Lor Compact in Free Association Eo Ibben United States

Page 53

Section 7. Edro ko an Constitutional Convention

Page 53

ARTICLE XIV --MEN KO JABREWOT

Page 53

Section 1. Melele in Nan ko

Page 53-54-55

Section 2. Armij ro rej Kommoni Jerbal ko an Juon Office

Page 55

Section 3. Wewin Beek Quorum im Jimwe in Vote

Page 55

Section 4. Ien ko, Ran ko, im Tore ko

Page 55-56

Section 5. Kajur in Text Kein

Page 56

Section 6. Ran eo enaj Jejet Kitien Jemen-Ei In

Page 56

JEMEN-EI
EO AN MARSHALL ISLANDS

BEDBED IN KOTOBAR

KIM, ARMIJ IN AILIN IN MARSHALL, ilo am liki Anij, eo Dri Letok mour, anemkwoj, kadkadim, jimwe im maron ko am, kemij kojerbal jimwe im maron kein im ejake Jemen-Ei in non kim make im ebeben ko am tokelik non kakon bedbed in karokan kien eo ejejjit non kiene Ailin in Marshall.

Ewor unin bwe en utiej buruom kin ro jemem mokta, ro rar beran in kijoon meto ko rellap im ear ejelok melele kake ilo Lometo in Pacific in elon buki yio ko remotlok, im rar maron ella ion aban ko rebbin ien otemjej non drebij im boboj juon bed im mour eo ebin ion ene jidrik kein ilo jibadok eo air eaurok non kalek jukjuk-im-bed in air ejelok uan.

Jukjuk-im-bed in emwij an bed im ej mour mantak wot, im emwij an dreblok melejon eo an ien, erertok in mour im manit ko jet, jorran in tarinae elap, im wonen eo edro im emwij kollaiki non un ko non drebij ainemon im jokane eo an lol in. Kim im men ko jabrewot am rainin einwot juon armij ak lol, kim ar tobari einwot menin jolet ko raurok ko kimij kalimur bwe kim naj onaki im kejbaroki ilo am kaurok ejelok bar juon men elaplok jen lemoren in am ion ene kein.

Kin Jemen-Ei in, kimij kabinlok konan im jimwe in mour eo am ilo ainemon im lemonono iben dron, ilo rielok bedbed ko an kien anemkwoj, ilo kobalok ilo konan im kotobar ko an aolepen armij ro woj ilo juon lol eo eanemkwoj im jokane, im kijejeto kin aolepen ijo kim marope non jiban rielok kotobar mejen kajjik in.

Kimij jakelok non armij ro woj jet, ta ko, jen ijo emulol ilo buru, kimij bukot jen ir; ainemon, jimjera, jela karok an dron im kautiej lomnak im jibarbar ko aduij kajojo im mour in armij eo iben dron.

ARTICLE I

JEMEN-EI IN EJ KIEN EO EUTIEJTATA

Section 1. Jemen-Ei in ej Kien eo Eutiejtata

(1) Jemen-Ei in enaj kien eo eutiejtata an Marshall Islands; im aolep dri ekajet ro im bar dri kien ro jet rej aikuij lore.

(2) Ejelok kakien jen ran komon kien eo ak ran lolorjake kien eo im ejelok jemlok jen jabrewot jikin ekajet ak ko jen bar ra ko jet an kien ko komon ilo ak elkin an jejjet kitien Jemen-Ei in renaj jejjet kitier einwot kien ilo Marshall Islands ijelokin wot elane emwij komone bwe en ekkar non Jemen-Ei in.

Section 2. Wewin ko Rejelet Jemen-Ei In

(1) Jabrewot kien eo kio im jabrewot kien eo enaj ella elkin an jejjet kitien Jemen-Ei in, eo im ejelet Jemen-Ei in, enaj, ekkar non jonan jekkar eo an, ejelok kitien.

(2) Jabrewot bar wewin ko jet jabrewot armij ak droulul ej komone elkin an jejjet kitien Jemen-Ei in, eo im ej nae Jemen-Ei in, kin jonan jekkar eo an, na j rube kien.

Section 3. Wewin Komelele im Kojerbal Jemen-Ei In

(1) Ilo komeleleik im kojerbal Jemen-Ei in, jikin ekajet eo ej aikuij etale jemlok ko an jikin ekajet ko an lol ko jet im ein jokjokin Jemen-Ei ko air wot in ad, ilo wewin ko rekkar, non Jemen-Ei in an Marshall Islands, botab ajab aikuij bwe en lore; im, ilo lor jabrewot lomnak eo, jikin ekajet eo ej aikuij bok ko rekkar non aikuij eo an Marshall Islands, ilo an bok Jemen-Ei in ilo aolep nememe eo an im bar karok ko jet ilo Marshall Islands jen ien non ien.

(2) Ilo jabrewot wewin ko, motton ko ilo Jemen-Ei in rej aikuij in melele kake bwe rej non kotobar jibarbar ko ilo wewin kien anemkwoj ilo jimwe im jejjet eo eor ainikien aolep ie ilo lolatat im iminene ilo mour emon.

Section 4. Kabin Jemen-Ei In

Ekkar non jonak eo an Jemen-Ei in ikijien kabin im maron an ra eo im ej bok edro in ekajet,

(a) Attorney-General eo ilo an jermal ilo etan armij in Marshall Islands im aolep armij ro rejelet ir ilo wewin ko nae Jemen-Ei in, mene armij ro kajojo ak dri jermal ro an kien, naj wor air maron in abnono kin bwod eo im komon ilo case ak kieojaljal eo im ekkar bwe en wor ekajet ikijien;

(b) jabrewot jikin ekajet ilo aolep wewin edro, ej jerbale juon case ak keojaljal eo ikijien juon mottan ko ilo Jemen-Ei in, enaj wor an kajur in komoni aolep order im lajrak ko rekkar im jeppet non lor mottan eo ilo Jemen-Ei in im amen tokjen ko an;

(c) kien eo an Marshall Islands im jabrewot kien ko ilo kajojo ailin rej jab aikuij naj joor jen liakelok ko rekkar ikijien komon ko air make ak komon ko an dri jermal ro an; botab ejelok bwirej ak men ko mweien kien eo an Marshall Islands ak jabrewot kien ko an ailin ko naj buki kin maron ak drebijok lok einwot kein jibanlok jabrewot jemlok.

ARTICLE II

MARON IM JIMWE KO

Section 1. Anemkwoj in Lemnak, Konono, Letoletak Melele, Kabun, Kwelok, Komon Droulul Im Komon Kajitok

(1) Kajojo armij ewor an maron anemkwoj in lemna; kelet emon im nana, tomak; anemkwoj in konono im ilo jeje melele; anemkwoj in kabun; anemkwoj in komon kwelok ilo jokane im komon droulul im non kajitok bwe kien en kajimwe abnono ko.

(2) Ejelok ijen ilo Section in enaj ejaak ilo jeje non kajij tokjen mo ko rekkar im ej komoni kin kien ilo ien eo, jikin eo, ak wewin mour im makitkit, ijowotke

(a) bwe mo kein rej menin aikuij non kejbarok ainemon an armij ro, mour jeppet, ejmour, ak kejbarok inemon ak maron ko ak anemkwoj ko an armij ro;

(b) bwe ebar ejelok mo ko jet redrik lok naj kojerbale non wewin kien; im

(c) bwe mo kein ren jab menin naj kaje komon ko ikijien jab erraiben dron kin lomnak ko ak tomak ko kwaloki.

(3) Ejelok ijen ilo Section in enaj melalen non bobrae kien jen an lelok money in jiban non droulul ko an kabun toon wot air kakke jelalokjen, ejmour, ak bar jermal ko jet im ejelok air worlok in money, im bwe jiban kein ren jab komon kalijeklok ikotan droulul ko an kabun ak tomak

ko jet ilo wewin eo kien ekautiej wot jet kabun ion bar jet, im bwe jiban in en jab ellalok jen

(a) kolla im korol money non ro rar kolla non kojerbal jikin jelalokjen, jikin ejmour, ak bar jermal ko jet im rejab komon worlok in money, ilo an armij rein kollaik wonen air kojerbal jikin kein ba kaki ak

(b) kolla im korol money ko an droulul ko drettan, wot money ko rar kojerballi non komakitkit jermal in jiban kein, botab kin wot money ko kadriojilok non juon droulul eo ebellok non aolep droulul ko an kabun ko rej kakke jermal in jiban ko konono kaki.

Section 2. Kibel im Kejerbal ilo Komakoko

(1) Ejelok armij enaj bed ilo inen komakoko ak jermal ilo an jab konan, ak enaj ejelok armij naj aikuuj kibeke non komon jermal edro.

(2) Non un ko ilo Section in, nan in "kibel ak kojerbal ilo komakoko" ej jab kitbuj:

(a) jabrewot jermal ko raikuij komon ekkar non juon jemlok ak karok ko jen juon jikin ekajet;

(b) jabrewot bar jermal ko juon armij ej aikuuj bwe en komon ilo an bed ijo im kalbuiji ie elane ekkar non kejbarok im komonnon ijo ej kalbuj ie;

(c) jabrewot jermal eo komon kin kien ijelokin wot kibel ko non jermal in tarinae elane ejimwe bwe jermal eo emenin aikuuj jen ro jet.

Section 3. Etale im Bok ko rej jab Ekkar

(1) Jimwe eo an armij non ainemon im jokane ilo enwinier make, moko imweier, pepa im mweiuk ko, nae etale im bok ko rej jab ekkar, naj jamin kakkure, im ejelok melim naj komon ak kin un ko wot rejimwe, ko emwij kamol ke rejimwe im elaptata lukkun kalikar jikin eo naj etale, im armij ro kab men ko naj aikuuj bok kin maron.

(2) Juon etale ak bok kin maron naj watoke ejokkar non kien elane ejelok melim en ar boke mene ear bwe ien non bok juon.

(3) Juon armij bok kin maron naj watoke ejokkar, ekkar non kien ijelokin wot ne kojelaiki ilo ien eo emokaj kin unin air boke im kalikar non e bwe enaj wor juon ien emokaj non an kwalok jimwe eo an iman juon dri ekajet.

(4) Juon etale non jikin ko ejab jikin, ak jokwe ie, armij eo rej tomak bwe e eo ear komone bwod eo naj watoke ejokkar, ekkar non kien men eo wot elane armij eo an jikin ko rej etali emwij air lelok moktalok an ien ilo juon ien ronjake, non jumae ak lor kin juon kibel jen jikin ekajet non an jadre iman eo im naj kalikar armij ro ak men ko im aikuuj kwaloki ak dri kien eo ej komon melim non

etale eo im ilo jonak emon emwij lemmak ke kojella in moktalok im ien ronjake eo enaj komon uata ekkar non kien ke armij ro ak men ko jet im bukoti renaj jako ak ilo bar wewin ko jet komon bwe en jab maron bed.

(5) Menin kamol ko boki ilo ien etale im bok kin maron ko rejokkar, ak ekkar non juon melim eo ejelok kitien, rej jab maron naj kojerbali non jiban na ruon juon kin bwod ilo jikin ekajet.

Section 4. Jerbal Jejjet im Ekajet Jimwe

(1) Ejelok armij naj bok jene mour, anem-kwoj, ak men ko mweien elane ejelok jimwe ekkar non kien.

(2) Jabrewot armij eo na ruon kin juon bwod naj watoke ejelok ruon mae ien eo im emwij kamol ruon ilo juon wewin eo elukkun alikar.

(3) Kolla wonan drioj jen kalbuju ilo jidrik ien ejab aikuij juon drettan eo elaplok jen jonan eo aikuiji non kamol bwe armij eo na ruon en naj jedre ilo ekajet, ak bareinwot ejelok jabrewot armij enaj kalbuju mokta jen ekajete elane eor bar wewin ko jet rej kwalok non kamol bwe armij in enaj jamin ko ak komon kautata non mour an elon armij.

(4) Ilo aolep liakelok ko kin bwod, armij eo in na ruon aikuij kojellaiki ilo juon ien eo emokaj im kemleleiki tibirikin un ko im rej na ruon kaki sinwot ke ekkar non maron eo an ikijien kien; non aikuij komon ilo ien eo emokaj lomnak eo an jikin ekajet elane un ko im rej drebij armij in kake non ekajet eo emokaj iman juon jikin ekajet eo ejelok an kalijeklok; non komon bwe en bwe ien eo im jikin ko non keboj dri jojomar eo an; non an maron make jojomar non e ilo likieo in armij ak jen juon jiban jen kien eo im e make ej kelete im; elane ejelok an money non an bok jiban in, ej aikuij bwe en wor jimwe im jejjet ilo ekajet, non an maron jelmae dri kamol ro nae e im bwe en wor wewin ko non kir tok dri kamol ro ilo etan.

(5) Ej aikuij wor maron non ekajet iman juon jury, men eo wot elane armij eo na ruon ilo an lukkun melele ej make jolok, elane kien eo kojerbale ekkar im ej komon bwe kaje an bwod ko en jen 3 ak lonlok yio ilo kalbuju ak, ilo ien eo im ejelok jonak eo elaptata ej kalikar non juon bwod, jabrewot ien elane jikin ekajet eo ej lelök jemlok eo non kaje ej 3 yio ko ak.aitoklok.

(6) Ejelok armij naj kibel non an uak ikijien juon bwod ijelokin wot ne liakelok ak na ruon ak non ke-melele juon bwod.

(7) Ejelok armij naj kibebe ilo jabrewot jorren bwe en juon dri kamol nae e make, ak nae armij eo belen, jinen im jemen, najin, jatin ak jein, ak bwe en lelök nan in kamol nae jabrewot armij rein ilo jabrewot ien eo menin kamol eo maron kojerbale non lukkun kalikar ak jiban lok kalikar jorren eo an armij eo.

(8) Ejelok armij naj kajitakini ilo wewin eo im ebwod, ak jamin maron kibel non kwalok ruon, ak kibeke bwa en ba ke ebwod, ak jabrewot kwalok buru ak bok jen eo rar jab kojellaik kin jimwe eo an non ikon wot im non maron bok jiban jen kien im bwa jabrewot nan eo ej ba rej maron jermal nae e, ak maron kojerbal non liakelok e non jorren.

(9) Ejelok armij naj ruc alen an jedre non juon wot jorren, botab bar elij ekajet eo naj kwoeppene elkin an juon jemlok eo eoktak kin appeal eo an dri abnono eo.

(10) Ejelok armij naj kalbuji, kibeke non komona, ak bok anekwoj eo an ilo an jab lor jimwe im jejjet ekkar non wewin ko komon non jorren ko, ijelokin wot elane ekkar non kakien aikuij lor kolajrak ko rejimwe im jejjet, im bwa aikuij lukkun alikar bwa rolok eo an armij in ejamin naj komon kauatata non ejmour ak jokane eo an make ak kauatata non ejmour, jokane, ak men ko mweien ro jet.

Section 5. Wonen eo Ejimwe im Jejjet

(1) Ejelok maron ion bwirej ak jikin ko jet an armij ro kajojo naj maron boke elane juon kien ejab komelim; im jabrewot kain ebok rot in ej aikuij wot komon in Kien eo an Marshall Islands, non an armij ro kojerbale, im ilo lor aolep wewin kejbarok ko kalikari kin kien.

(2) Juon bwirej eo im kojerbal non komon worlok in money im jab kojerbal non kakke jermal an armij ro naj jab watoke bwa ej "jermal non armij ro".

(3) Maron ko ion bwirej naj jamin boki elane ebar wor wewin ko jet non tobar un ko im bok bwirej none, einwot ilo eje im kadok lok bwirej ko ilo juon wewin eo ejelok drettan.

(4) Mokta jen naj bok jabrewot maron ko ion bwirej ak bar jokjok ko jet ikijien jikin ko an armij ro kajojo, ej aikuij wor juon karok jen High Court bwa wewin ebok jab in ejejjet non kien im barsinwot aikuij wor juon karok jen High Court eo im ej libjerjere jiban kin wonen eo ejimwe im jejjet.

(5) Ijo jabrewot im maron ko ion bwirej rej boki, wonen eo ejimwe im jejjet enaj koba maron ko jimor ion bwirej non aolep ro eor air ie ak wewin ko jet non bok menin jiban ko rej walok jen maron ko ion bwirej, aikuij lelok elane rej bok jikin ko an armij ro kajojo.

(6) Ilo jabrewot ien wewin bok maron ion bwirej in naj kakkeik ro im emwij komakit ir bwa ren jokwe ijoko jet im aikuij bwa en lablok jiban ej ilok non ir, wewin jab in aikuij naj lemnak kake ilo ien eo komon karok ko elane jonan jiban eo naj lelok ejimwe im ejejjet.

(7) Ilo ien eo rej lemnake elane jiban eo kin wonen maron ko ion bwirej ejimwe im jejjet, High Court ej aikuij jakelok men in non Traditional Rights Court eo im aikuij tiljek ilo an lemnak kin karok eo an Court in.

(8) Juon maron ion bwirej ak bar jikin ko jet naj jamin watoke "emwij boke" elane emwij bok maron eo ie ekkar non kien kin jab kolla owoj ak muri ak jorren ko, ak elane ej aikuij bwe en lor wot rule ko rekkar non kejbarok ejmour im jokane eo an aolep armij.

(9) Ilo kamleleik Section in, jikin ekajet eo ej aikuij in kile maron ko ion bwirej im ejej uaer im aurok ilo mour im kien eo an Marshall Islands.

Section 6. Kaje ko Redro im Jeja

(1) Ejelok bwod iumin kien eo an Marshall Islands naj maron kaje kin mij.

(2) Ejelok kalbuj kin kaje ikijien ine edro enaj komon ion jabrewot armij eo ejanin tobar 18 yio dretton.

(3) Ejelok armij naj aikuij lelok none kaje ko rekaintanan non komon wewin ko rekajokok im jekkar non mour in armij, kaje ko redro im jeja, ak non bakkin ko retar jen jonair ak bok aolep maron jene.

Section 7. Habeas Corpus

(1) Bwe jimwe eo an jabrewot armij ne ej kalbuj en maron bed wot non an jumae ilo ekkar ilo juon jikin ekajet an kien, writ of habeas corpus eo naj jamin jako.

(2) Jabrewot armij eo rej drebiiji ilo kalbuj eor an maron in kajitok, kin e make ak ilo an kojerbal ro jet, non jabrewot dri ekajet ilo Marshall Islands ikijien writ of habeas corpus.

(3) Ej aikuij wor ilo juon ien ronjake non aolep kajitok ko ikijien writ of habeas corpus, im elane elukkun alikar bwe kalbuj in an armij in ejumae Jemen-Ei in ak kien ko jet an Marshall Islands, dri ekajet eo im rar komone kajitok eo iben ej aikuij kotolok an nan ilo jeje bwe armij in kalbuji en drioj ilo ien eo emokaj tata, ekkar non mottan ko ilo kien im rekkar non appeal jen ro im rej bok edro in jikin kalbuj eo.

(4) Ilo wewin in im armij eo ej kalbuj ie ekkar non jorren ak jemlok eo, dri ekajet eo im kajitok eo ear komon iben ej aikuij etale elane jemlok eo im ej bedbed in jumae eo nae kalbuj ear komon ilo an ejelok an kajur ak ejumae jimwe eo an armij eo ej kalbuj iumin Jemen-Ei in ak kien ko jet an Marshall Islands im aikuij kojolok jemlok eo im kotolok an nan ilo jeje bwe en rolok dri kalbuj eo elane ejelok bwod en rej loe.

(5) Mottan ko ilo paragraph (3) im (4) ilo Section in rej aikuij lilok ejjab non-wot un eo ikijien kalbuj eo an ak ej aikuij bar non un ko im emwij kelajraki an armij eo ej kalbuj einwot ilo kar jumaiki ilo an jab ekkar non kien.

(6) Ilo wewin jemlok im bebe ko iumin paragraph (4) ak paragraph (5) ilo Section in aikuij wor juon jemlok kin man eo ej komon lokabokbok, dri ekajet eo im kajitok eo ear komon iben non habeas corpus ej aikuij komone bwe bareinwot jemlok in bebe eo mokta lok en juon dredrelok an jikin ekajet eo ekkar non record ilo wewin eo im armij eo ear kajitok emwij an ilok non e ien non an iakwelel eo ejimwe im jejjet ikijien menin, bwe dredrelok in ear bin wot ilo ien appeal ak jela im ejelok watok kake armij eo ear jab jumae an menin wonmanlok wot.

Section 8. Ex Post Facto Laws im Bills of Attainder

(1) Ejelok armij naj lelok none kaje ko ikijien ex post facto -- einwot kaje eo etar jen jonan ilo an ekkar im jejjet ilo ien eo jorren eo im wor kajitok kake ear komon, ak kaje eo ear ilok jen karok ko im rar jab kanuij erra iben armij eo na ruon ijelokin eo ekkar im jejjet ilo ien eo im jorren eo ar komon.

(2) Ejelok armij naj lelok none kaje ko iumin Bill of Attainder -- einwot juon kien eo im ej kejenolok non kaje juon ak juon eo emwij kile kadredre ak juon droulul in armij ro.

Section 9. Na Imon Dri Tarinae Ro

Ejelok dri tarinae enaj, ilo ien ainemon, jokwe ilo jabrewot em ilo an ejelok melim jen eo imon mweo, ak ilo ien tarinae ijelokin wot wewin eo karoke kin kien.

Section 10. Kalbuji kin Muri

Ejelok armij enaj kalbuji kin muri; ak ejelok jabrewot armij enaj kalbuji kinke ear jab maron kolla bakkin im karok lok einwot juon kaje non juon bwod ijelokin wot ne emwij lelok none juon ien ekkar non an komon kolla eo an im emwij lo bwe emaron in kollaiki.

Section 11. Jiton non Tarinae im Makoko in Jerbal ilo Jar in Tarinae

Ejelok armij naj jitone bwe en juon dri tarinae ilo jar in tarinae ko an Marshall Islands ijelokin wot ilo ien tarinae, ak emwij an Cabinet eo kalikar ke eor uata ka enaj wor tarinae, im ejelok armij naj jitone, elane, elkin ien eo ekkar non an kalikar ke, e ej jino an kalikar ke kio juon eo emakoko in bok kunan ilo tarinae.

Section 12. Kejbarok im Anemkwoj eo Jonan Wot Juon ilo Ejelok Kalijeklok

(1) Aolep armij rej jonair wot juon iumin kien im rej bareinwot jonair wot juon non bok kejbarok jen kien eo.

(2) Ejelok kien im ejelok karok jen executive ak judicial enaj, ilo an kalikare, ak ilo an kojerbale, kalijoklok nae jabrewot armij kinke ir man ak kora, dri ia, kil, kajin, kabun, tomak, kabijuknen, ijo ear lotak ie, bwijjin won.

(3) Ejelok jabrewot ilo Section in naj watoke bwe en bobrae kelet ko ad retiljek non won dri amnak ekkar non kien.

Section 13. Jimwe Eo An Armij im Jokane Eo An

Aolep armij ro naj joor jen kabonono ko rejokkar ikijien kelet ko air make ko rejamin naj kakure ro jet, im jen wewin ko rejokkar im naj kakure ainemon im jokane ko air make.

Section 14. Maron Eo An Juon Armij im Jokane Eo An

(1) Jabrewot armij eor an maron im jimwe non kojermal wewin jimwe im jejjet ilo ekajet einwot juon ial in kejbarok jabrewot maron ko rej an wot ak ko im ejaak kin kien, aikuij wot lor rule ko im rej komon jonan maron in dreton ilo jikin ekajet ko ilo wewin eo ejelok kalijeklok ie.

(2) Jabrewot armij eor an maron im jimwe non bok kunan ilo ekeleel ko, mene ej juon dri kelet ak juon eo im ej jibarok jea ko, aikuij wot lor kabel im maron einwot ilo aer elajrak ilo JemenEi in im non rule ko jet ikijien ekaleel im ej komon bwe aolep ro remaron in ekaleel ren bok kunair.

(3) Ilo lolorjake wewin ko ikijien ekajet in ekaleel ko, ejelok wonen naj komon bwe en bobrae an ro rej jab maron kolla wonen air bok kunair.

Section 15. Ejmour, Jelalokjen, im Legal Services

Kien eo an Marshall Islands ej kile maron im jimwe an armij non kejbarok ejmour, jelelokjen, im legal services im bwe ej kunan non an bok aolep bunten ko ikijien wewin ko rekkar im remenin aikuij non komoni jermal kein.

Section 16. Kien Jimwe im Mol

Kien eo an Marshall Islands ej kile jimwe an armij non kien eo ejimwe im jejjet im edro eo an non komon wewin ko rekkar tata im remenin aikuij non kien ilo an jermal im atartar iben juon lajrak in kien ko remol im jimwe.

Section 17. Jimwe im Maron Ko Jet

Lajrak ilo Jemen-Ei in ikijien jet ian jimwe im maron ko naj jamin komaleiki non kojekdron im kajej tokjen maron ko jet rebed iben armij ro.

Section 18: Kojerbal Mottan Ko Ikijien Maron im Jimwe Ko

(1) Ejelok maron en im emwij an bin ilo Eon eo ikijien Maron im Jimwe naj kojekdron ak kajej tokjen, mene kojerbal kajur ak kaje, ak ilo bar wewin ko jet im rej drebij maron ak tokjen eo.

(2) Jabrewot mottan ko ikijien Maron im Jimwe naj maron kojerbale einwot juon kein jojomar non juon ekajet eo ikijien civil ak criminal ak einwot juon karok kin kien ak juon joor eo ejejjet nae jabrewot jorren ko komoni ak jorren ko rej jebar jen kamijak.

ARTICLE III

COUNCIL AN IROIJ

Section 1: Council an Iroj

(1) Enaj wor juon Council an Iroj ilo Marshall Islands.

(2) Council an Iroj enaj ejaak kin 5 ro rekkar jen bukon in ekaleel ko ilo Ralik Chain im 7 ro rekkar jen bukon in ekaleel ko ilo Ratak Chain ilo Marshall Islands ro kelet ir einwot in:

jen Ralik ejab koba Ujelang	4 Irojlaplap
jen Ugelang	1 Irojlaplap
jen Mili	1 Irojlaplap
jen Arno	1 Irojlaplap
jen Mejit	1 Irojlaplap
jen Majuro	1 Irojlaplap
jen Airok (Maloelap)	1 Irojlaplap
jen Aur, Maloelap (im jab koba (Airok), Wotje, Utrik im Ailuk	1 Irojlaplap
jen Likiep	1 Owner

(3) Elane, ilo jabrewot district, juon armij ak droulul in armij emwij kile, ekkar non manit ak jabrewot mour im jimwe ion bwirej ko eor jimwe im maron ie ak ikijien edro ko ualerlok wot ko an Irojlaplap, inem armij eo, ak juon eo ej uan droulul eo, im jokelet in droulul eo, naj aikuij watok ke ekkar bwe en uan Council an Iroj einwot ne e en kar juon Irojlaplap.

(4) Elane ilo jabrewot bukon in ekaleel, woran armij ro rekkar bwe ren uan Council an Iroj ekonlok jen woran jea ko aikuij kanni

(a) aitokan ien jeral an juon dri

kwelok ak dri kwelok ro jen bukon eo enaj juon calender yio;

(b) mokta jen an jemlok jabrewot calender yio, ro rekka ilo bukon eo tenaj kajeon komone juon kon ibeir make ikijien won iaier enaj kwelok jen bukon eo ilo calender yio eo tokelik;

(c) elane, ejejjet ien kwelok eo mok-tata an Council eo an Iroi ilo jabrewot calender yio, ak ejanin wor jabrewot kon, Nitijela enaj ilo ien eo emokaj im ekkar, kin resolution, jiton juon ak lonlok ian ro rekka bwe en dri kwelok eo, ak dri kwelok ro jen bukon eo;

(d) non jiton juon dri kwelok, mene jen ro rekka make ak jen Nitijela eo, ej iaikaj wor lomnak kin wewin eo bwe ro rekka ren maron kotak dron ilo jea eo an bukon eo, botab jabrewot remaron jijet iumin ruo ak lonlok yio ilo an jej mwijkok ak ilo wewin ko.

(5) Elane, ikijien jabrewot bukon, kin juon un ikijien an juon armij jab ekkar bwe en juon uan Council an Iroi ilo lor paragraph (2) ak (3) in Section in, inem Council an Iroi enaj wonmanlok wot ilo wot ien eo ekkar im jejjet, jaro kin resolution, bwe en jiton juon einwot juon uan Council in, juon armij eo, ilo tomak eo an Council in, ekkar non manit im jabrewot karokan maron im jimwe, im e ekkar bwe en jijet kinke e ej nukun eo ebak tata non armij eo, ijoke kin wot un in, emaron in kar ekkar bwe en juon uan Council in jen bukon eo.

(6) Term an jabrewot uan Council an Iroi ilo offiie ilo kajojo calender yio enaj non jemlokin calender yio eo

(7) Juon armij ejab maron naj uan ak dri binej jenkwon juon eo ej uan Council an Iroi elane

(a) e ej juon eo ejab dri vote; ak

(b) e ej uan Nitijela eo.

(8) Jabrewot kajitok eo ej wonlintak ikijien jimwe an jabrewot armij eo im ej bojak wot in ak enaj ak ej bed im einwot juon uan, ak dri binej jenkwon juon uan Council an Iroi, ak non kojerbal jimwe eo an juon eo ej uan, aikuij naj lelok bwe High Court eo en lomnake.

Section 2. Jerbal im Edro ko an Council An Iroi

Council eo an Iroi naj an edro kein:

(a) Council eo emaron kajitikin jabrewot wewin ko rejelet Marshall Islands, im emaron kwalok lomnak eo an non Cabinet eo;

(b) Council eo emaron kajitok, ekkar non mottan ko ilo Section 3 ilo Article in, non bar etale jabrewot Bill ko rejelet manit im jimwe ak maron ko ion bwirej im emwij an weppen ilo konono kein kajilu an Nitijela;

(c) Council eo enaj bar wor jet an edro ko lilok im komarone ekkar non kakien.

Section 3. Kajitok Ko non Bar Etali Bill Ko

(1) Ekkar non paragraph (8) ilo Section in, Clerk eo an Nitijela aikuij in jilkinlok non Clerk eo an Council eo an Iroi, non kojelaik Council eo, juon copy in jabrewot Bill ko rej weppen jen Nitijela ilo kenono eo kein kajilu.

(2) Council an Iroi emaron, iloan 7 ran elkin an ilok Bill ko nona, kwoweppen juon resolution ilo an kwalok loanak eo an bwe juon Bill eo rar jilkinlok non Council eo ejelet kien ko nae manit ak jabrewot karokan maron in jimwe ko ak lajrak ko ion bwirej ak wewin ko jet, in kajitok ibben Nitijela bwe en bar etale Bill eo, ak emaron komokajlok kin jeje ko emoj an Chairman eo an Council eo signi, kwalok lemak eo an non an jab kweppen resolution eo.

(3) Clerk eo an Council an Iroi enaj mokaj in jilkinlok non Clerk eo an Nitijela, non kejelaik Speaker eo juon copy in resolution ak jemlok, koba ibben jabrewot etale ko ikijien Bill eo in Council eo emaron in konan kwalok an lemak kake.

(4) Speaker eo emaron, ekkar non Section 21 ilo Article IV, kamol bwe Bill eo aikuij ilok non Council an Iroi emoj an weppen ilo Nitijela, elane ebo buruon ke Council eo ear ekkar non Bill eo, jab koweppen juon resolution ekkar non paragraph (2) ilo Section in iloan ran ko 7 konono kake ilo paragraph in ak emoj an mokajlok an kwalok lemak ko an bwe ejab koweppen jabrewot kain resolution in.

(5) Elane, ekkar non jabrewot Bill, Council an Iroi emoj an koweppen juon resolution ekkar non paragraph (2) ilo Section in, Nitijela emaron wonmanlok wot non an bar etale Bill eo, koba ibben jabrewot lemak ko Council eo ear komoni.

(6) Ilo ien bar etale juon Bill, Speaker eo emaron, elkin kebak in konono iben Chairman eo an Council an Iroi karok juon kwelok ikotan ro uan Council an Iroi in ro uan Nitijela, non air kajieon erra iben dron nae kobban juon Bill eo konono kake.

(7) Elkin wot etale Bill eo, Nitijela emaron in jab wonmanlok wot kin Bill eo, ak emaron komon jabrewot kakobaba ijoko rekkar in kon, ak maron, kin resolution, bar rie loanak eo bwe Bill eo en wonmanlok wot ilo an jab oktak.

(8) Mottan ko ilo paragraph (1) ilo Section in naj jamin aikuij in jermal non juon Bill in kojemoj ak juon Bill in kabwabwe non kojemoj ko ak non jabrewot Bill eo emoj an Nitijela ukote ak kabenlok, ekkar non paragraph 7 ilo Section in.

(9) Speaker eo emaron, ekkar non Section 21 Article IV, kamol ke juon Bill eo konono kake ilo paragraph (5) ilo Section in, emoj an weppen ilo Nitijela elane ebo buruon bwe emoj ukote ak kabenlok ekkar non paragraph (7) ilo Section in.

Section 4. Wonen ro Uan Council An Iroi

Wonen ro uan Council an Iroi aikuij naj kommon wot kin kakien.

Section 5. Chairman im Vice-Chairman ro an Council An Iroi

(1) Chairman im Vice-Chairman ro an Council an Iroi renaj ro uan Council in ro kelet ir non office kein kin vote ko reillon an ro rej bed im vote ilo kwelok ko an Council in.

(2) Council an Iroi naj aikuij, ilo ekaleel ittino, wonmanlok wot im kelet Chairman im Vice-Chairman ro, mokta jen kommon jabrewot jermal, ilo kwelok eo jinoin tata an Council an Iroi ilo kajojo calendar yio, im bar ekaleel kobban office ko ejelok kobaer an Chairman im Vice-Chairman jen ro uan Council in, mokta jen kommon jabrewot jermal, ilo kwelok eo jinoin tata an Council in elkin an alikar office eo ejelok kobban.

(3) Chairman eo ak Vice-Chairman eo emaron kamoje jen office eo an ilo an walok ilo jeje ko ear jaini, im jilkinlok non ibben Clerk eo an Council an Iroi; bar-einwot kajojo iaer emaron kamoje jen office.

(a) ilo an jino bok office eo ekaal an Chairman ak Vice-Chairman eo im kelete none ilo kwelok eo jinoin tata an Council an Iroi ilo jinoin kajojo calendar yio; ak

(b) elane ebwijrak an uan Council an Iroi; ak

(c) elane renaj komakit e jen office kin resolution an Council an Iroi eo im ear weppen kin enjab driklok jen ruo mottan jilu in ro uan Council in rar bed im vote ilo kwelok eo an Council in.

Section 6. Jermal ko an Chairman eo

(1) Chairman eo enaj tel aolep kwelok an Council an Iroi ilo ien an bed im aikuij bar bed ibben edro in jermal ko jet kabbe e kaki iumin Jemen-Ei in ak ekkar non kakien ak jen juon resolution an Council eo.

(2) Elane Chairman eo ejjab maron bed ilo jabrewot ien kwelok ko an Council an Iroi, ak, ilo kilan jako, naninmij ak kin bar un ko jet, ejjab maron kommoni edro in jermal ko an office eo an, ak ejelok kobban office eo an Chairman eo Vice-Chairman eo enaj tel kwelok eo ak kommoni edro ko mae ien Chairman eo enaj bar maron jeblak non kwelok ko ak maron bar wonmanlok wot kin edro im jermal ko an.

(3) Elane, ilo jabrewot ien, ejelok Chairman ak Vice-Chairman non air maron tel kwelok eo an Council an Iroi; ak komsone jabrewot jermal an Chairman eo, inem, mae ien Chairman ak Vice-Chairman enaj maron komone jermal ko an, aikuij naj lellok non eo eritto tata ian ro uan Council in im ebed bwe en komone jermal eo.

Section 7. Wewin Jermal an Council An Iroi;

(1) Council an Iroi; naj kwelok ilo regular session ilo jabrewot ien Nitijela ej kwelok ilo regular session, im ilo special session ilo jabrewot ien eo Nitijela ej kwelok ilo special session, im naj wonmanlok wot ilo regular ak special session, ekkar non wewin eo, ilo ien eo elkin ien eo ear jemlok kajojo kwelok an Nitijela elane emenin aikuij non komaron Council eo non bok juon resclution ak kwalok lomnak eo an ikijien jabrewot Bill eo ear ilok none, ekkar non Section 3 in Article in.

(2) Council an Iroi; enaj kwelok ilo special session ilo jabrewot ien Chairman eo an Council eo, ak Clerk eo an Council eo enaj kir ekkar non kajitok an en jab ietlok jen 9 ro uan, im naj wonmanlok wot ilo special session eo mae ien Council eo enaj kalikare.

(3) Jermal ko remaron wonmanlok im komon ilo jabrewot kwelok an Council an Iroi; elane ro uan rebed ejjab iot lok jen 6.

(4) Ijellokin wot elane enaj kalikare ilo Section in, Council an Iroi; naj aikuij make lomnake wewin jermal ko an.

Section 8. Jea ko Ejelok Kobbair ilo Council An Iroi;

(1) Jea eo an juon uan Council an Iroi; enaj ejelok koban elane

(a) enaj mij; ak

(b) enaj kamoja jen jea eo an ilo an jeje ko ear jaini im jakemanlok non ibben Clerk eo an Council eo; ak

(c) ebwijrak jen an juon dri vote; ak

(d) ej erum juon uan Nitijela eo.

(2) Jabrewot jea eo ejelok kobbair ilo Council an Iroi; naj aikuij kanne kobbair ilo air lor jonan wot maron, mottan ko ilo Section 1 ilo Article in.

Section 9. Dri Binej Jenkwon ro uan Council An Iroi;

(1) Juon uan Council an Iroi; ejjab maron kin kilan jako, naninmij ak bar jabrewot un ko jet jen an bed ilo jabrewot kwelok an Council in ak jabrewot kwelok an Committee ko ak jabrewot joint committee ak joint conference

ko emaron kelet juon ian ro nukin im rekka non jijet ilo etan bwe en juon dri binej jenkwon ilo kwelok eo.

(2) Elane ilo jabrewot kwelok an Council an Iroi ak an jabrewot committee, ak an jabrewot joint committee ak joint conference, jabrewot uan eo ejako, im ejelok en ear jitone bwe en binej jenkwon, ak bwe jea eo an jabrewot uan ejelok kobban, inem Council an Iroi emaron, kin resolution, jiton juon armij eo, ilo tomak eo an Council in, ke ejimwe ekka non manit im jabrewot karoka maron im jimwe, im e ekka bwe en jijet kinke ej nukin eo ebake tata non armij eo ej uan bwe en dri binej jenkwon ilo kwelok eo.

(3) Jabrewot dri binej jenkwon non juon eo uan Council eo emaron kommone edro ko im naj aiku ij ilok none kajur ko, jeral ko, im jabrewot jimwe im maron ko an eo ej bok jikin:

Botab ejelok dri binej jenkwon an juon uan Council eo enaj kommone edro ko an Chairman ijellokin wot elane elukkun ejelok member an Council eo remaron loe non an kommoni jeral ko.

Section 10. Jimwe ko an Council An Iroi
im Ro Uan

(1) Ejelok jabrewot juon ijelokin Council eo an Iroi enaj ekajeta Council in ak jabrewot ro uan, ak dror ir ilo jorran im edro ko jet, civil ak criminal, ikijien jabrewot vote ko air, jabrewot nan ko air jabrewot jeje ko air, ak jabrewot makitkit ko air ke rej mottan jeral ko an Council eo an Iroi ekka non kien.

(2) Council an Iroi ej jab maron in bwojrak jen an wonmanlok wot in kommoni jeral ko an kinke eor ro uan ro rejako, ak bwe, ilo jabrewot wewin eo Section 9 ilo Article in ej lore, ejelok dri binej jenkwon emoj jitone ekka non Section eo.

(3) Ejelok jabrewot jeral ko kommoni ilo ien kwelok ko an Council an Iroi naj kajitokin kinke juon armij eo im ear kwelok einwot juon uan Council eo ak dri binej jenkwon juon eo ej uan Council eo ikijien manin konono eo ar jab maron jeral.

Section 11. Clerk eo an Council An Iroi

(1) Enaj wor juon Clerk an Council an Iroi eo im enaj juon officer ilo Public Service eo im naj bok edro ko kabbe kaki ekka non Jemen-Ei in ak ekka non kakien ak non juon resolution an Council eo.

(2) Clerk eo an Council an Iroi enaj bok edro in keboj im kolajrak jeral ko im kejbarok solepen record ko an kwelok ko an Council an Iroi.

(3) Clerk eo an Council an Iroi enaj jeral iumin karok ko an Chairman eo im solepen ro uan Council in einwot juon dri jeje im bar jeral ko jet watoki menin aiku ij.

ARTICLE IV
RAN KOMAN KIEN EO

Section 1. Maron in Komon Kien Ebed Iben Nitijela Eo

- (1) Maron in komon kien ilo Marshall Islands naj bed ilo Nitijela im naj kojobale ekkar non kakien.
(2) Maron eo kabbe in Section in naj kitbuj maron eo

(a) non manlok, jolok ak ukot jabrewot kien ko im rej jerbhal ilo Marshall Islands; im

(b) non lelok, kin kien, maron eo non kommoni rule ko, regulation ko, order ko ak bar jet kolajrak ko ekkar non kakien eo im ilo kommani jibadbad ko an; im

(c) non komon aolep bar kien ko jet im ej watoke bwe menin aikuij im rekkar non kommon im kojobal jabrewot ian maron ko an jet ak jabrewot maron in Jemen-Ei im ej komarone kaki ilo jabrewot ra ko an kien ak jabrewot officer ro an public.

Section 2. Uan Nitijela Eo

- (1) Nitijela eo naj ejak kin 33 uan ro kelet ir jen bukon in ekelel kein rej elajrak kin oran dri kwelok jen juon bukon einwot ej alikar ikijien etan kajojo bukon in ekelel kein:

Majuro	5
Kwajalein	3
Ailinglaplap	2
Arno	2
Jaluit	2
Jabot	1
Mili	1
Ebon	1
Lib	1
Namdrik	1
Malcoelap	1
Wotje	1
Likiep	1
Ailuk	1
Aur	1
Namu	1
Wotho	1
Enewetak & Ugelang	1
Bikini & Kili	1
Rongelap	1
Mejit	1
Utrik	1
Lae	1
Ujae	1

Narikrik, Erikub, Jemo, Taka, Bikar, Bokak, Rongrik, im Ailinginae naj kajojo iair rokoba ilo bukin in ekaleel eo, eo im ebake tata ekkar non manit ak jabrewot karok im lajrak ko ion bwirej.

(2) Ilo jabrewot ekaleel ilo jabrewot bukon in ekaleel, aolep ro remaron vote naj wor air maron in kelet jonan oran dri jibarek eo ekkar non oran jea ko im aikuij in wor kobbaer; im dri jibarok ro im elon tata air vote, mene oran vote ko an jabrewot dri jibarok rej jen ro elon uaer ak jab, enaj dri kwelok ak renaj dri kwelok ro emwij kelet ir jen bukon in ekaleel eo, im naj kalikare ekkar non kien.

(3) Ilo lor paragraph (4) im (5) ilo Section in, Nitijela eo emaron kin kakien in ukot paragraph (1) ilo Section in non kommon oktak ko ikijien oran aolepen uan Nitijela ak oran bukon in ekaleel, ak bolakin bukon in ekaleel ko, ak oran dri kwelok im naj kelet ir jen kajojo bukon in ekaleel.

(4) Jabrewot oktak ko komman ilo paragraph (1) ilo Section in naj, ilo wewin eo ekkar, komman ilo lor bedbed in kien in bwe kajojo ro uan Nitijela naj itok ikijien armij ro enanin oraer wot juon; ijoke naj aikuij bar komman ekkar non wewin jikin eo, makitkit im jibadbad ko an jukjuk im bed eo, belakin jikin kwelok ko im rebed kio im kotan ko kili ilo iminene jen etto, wewin litolitak melele ko, lon in armij im maron in makitkit.

(5) Nitijela eo ejamin wonmanlok wot jen konono kein kajuon ilo jabrewot Bill ak oktak non juon Bill eo im, ekkar non tomak eo an Speaker eo, ej komman karok non ukot paragraph (1) ilo Section in, ijelokin wot ne ewor juon report, eo kommon in juon committee an Nitijela ak jen bar ra ko jet emwij komaron ir kin kakien, non etale karkan Nitijela, im lale elane emon ak enana ilo wewin ko, ekkar non eon ko ilo paragraph (4) ilo Section in, non ukot paragraph (1); im bwe report eo emwij an walok ilo jeje.

(6) Enaj tollokin Nitijela eo kir liet tata juon alen iumin jonoul yio, non juon report ekkar non paragraph (5) ilo Section in im bwe report eo en kommon ilo jeje.

Section 3. Ekaleel Uan Nitijela Eo

(1) Ekaleel uan Nitijela eo naj kommon ilo ittino iumin wewin eo im aolep armij in Marshall Islands ro emwij air tobar 18 yio drettaer remaron in vote; im ro ekkar air ekaleel ekkar non Section in.

(2) Ejelok armij naj watoke bwe e dri vote elane

- (a) emwij kamole bwe ebwebwe; ak
- (b) ekkar non ke emwij loe ruon bwe ear kommane juon jorren eo elap (felony), im ej bed ilo kalbuj ak emwij kadiwoje im ej bed ilo parole ak probation.

(3) Aolep armij ro im remaron in vote naj wor air maron in vote ilo juon im juon wot bukon in ekaleel eo im ej jokwe ie ak ijo im ewor an maron ion bwirej ie; ijoke armij eo ewor kelet in ibben ikijien bukon in ekaleel eo ej vote ie ekkar non paragraph in naj kojermal kelet eo ilo jabrewot wewin eo im kalikar kin kakien.

Section 4. Ro Remaron in Jibarok

(1) Juon armij eo im emaron in vote im emwij an tobar 21 yio drettan, ej maron in juon dri jibarok non kelet bwe en uan Nitijela eo.

(2) Jabrewot armij eo im emaron in juon dri jibarok iumin paragraph (1) ilo Section in naj bed ibben maron eo bwe en juon dri jibarok ilo jabrewot bukon in ekaleel ijo im ej vote ie, ak, mae ien ej alikar ilo bar juon wewin kin kakien, ilo jabrewot bukon in ekaleel; Ijoke ejelok armij emaron, ilo jabrewot ekaleel, dri jibarok ilo elon lok jen juon bukon in ekaleel.

Section 5. Dri Jerbal ro an Kien im Rej Dri Jibarok ak ro Emwij Kelet Ir

(1) Dri jermal ro an Kien im rej dri jibarok bwe ren uan Nitijela eo naj lelok non ir melim in jako jen jermal ko air kin un ko rej boub ilo air jibarok jea ko ilo lor karok im wewin ko im kalikar kin kien.

(2) Elane jabrewot dri jermal emwij kalikar ke emoj kelete non Nitijela eo, naj watoke bwe emwij an kamoj an jermal iben kien eo.

Section 6. Jea ko Ro Uan Nitijela rej Emakit Jene

(1) Jea eo an jabrewot uan Nitijela enaj ejelok kobban elane

(a) ebojrak an bed ibben wewin ko im komon bwe en maron juon dri jibarok, ko im rej aikuij in bed ibben ilo ien eo im ej juon dri jibarok; ak

(b) emij; ak

(c) ekamoje jen jea eo an kin jeje ko emoj an jaini im jilkinlok non Speaker eo elane e ej uan Nitijela im ejab Speaker, ak elane Speaker eo naj jilkinlok non Clerk eo an Nitijela; ak

(d) ejako kin ejelok melim jen Nitijela jen kwelok ko an Nitijela iumin 20 ran in kwelok ilo an ejelok mwijkok; ak

(e) ej bok bar juon jermal (ijellokin wot ne ej uan Cabinet eo) im ekomon bwe en wor wonen im ej ilok jen money ko an public;

(f) Nitijela eo ej kokaal.

(2) Elane jea eo an jabrewot uan Nitijela eo ejelok kobban, kin jabrewot un ko ijellokin wot kokaal Nitijela eo, jea eo ejelok kobban naj na kobban ilo juon ekaleel ilo bukin in ekaleel eo ej itok ikijien, kommon ilo ien eo kalikar kin kien, im kommon ekkar non Section 3, 4, im 5 ilo Article in.

(3) Ilo jabrewot ien ne jea ko an ro uan Nitijela ejelok kobair jen wot an Nitijela eo kokaal, naj na kobair ilo juon ekaleel elap eo kommon ekkar non Section 12 ak Section 13 ilo Article in, einwot an naj maron alikar, im naj kommon ekkar non Section 3, 4, im 5 ilo Article in.

Section 7. Speaker eo im Vice-Speaker eo

(1) Speaker eo im Vice-Speaker eo naj ro uan Nitijela eo, kelet ir in Nitijela eo non office kein.

(2) Nitijela eo naj kin secret ballot, kelet Speaker eo im Vice-Speaker mokta jen kommon jabrewot jermal ko jet, ilo kwelok eo an muktata elkin kajojo ekaleel elap; im naj wonmanlok im kelet juon eo uan Nitijela non kelet kobban jea eo an Speaker ak Vice-Speaker, mokta jen jermal ko jabrewot, ilo kwelok eo muktata an Nitijela elkin an walok office eo ejelok kobban.

(3) Speaker eo ak Vice-Speaker eo emaron kamoj e jen office eo an kin juon an leta in kamojmoj eo ear jaini im lelok non Clerk eo an Nitijela, im enaj emakit jen office eo an

(a) ilo an drelontok Speaker eo ak Vice-Speaker eo ekaal im emoj kelete ilo kwelok eo muktata an Nitijela elkin juon ekaleel elap; ak

(b) elane ejemlok an bed im juon uan Nitijela eo kin jabrewot un, ijellokin wot bar kokaal Nitijela eo; ak

(c) elane enaj bok office einwot President ak juon Minister; ak

(d) elane komakiti jen office eo an kin juon resolution eo im ear weppen jen Nitijela-kin juon vote ejab driklok jen ruo mottan jilu in aolep ro uan Nitijela eo.

Section 8. Jermal ko an Speaker Eo

(1) Speaker eo enaj tel jabrewot kwelok an Nitijela ko im ej bed ie im enaj bareinwot kommoni jermal ko jet im elelok in Jemen-Ei in ak ekkar non kien ak rule ko ak juon resolution jen Nitijela eo.

(2) Speaker eo naj bok edro im lolorjake bwe makitkit in jermal ko an Nitijela eo ren kommon ilo lor Jemen-Ei eo im Rule ko an Nitijela, im naj kommoni jermal ilo ejelok kalijeklok.

(3) Elane Speaker eo ejjab bed ilo jabrewot kwelok an Nitijela eo, kin naninmij ak un ko jet, im ejjab maron in komone jabrewot kajojo jermal ko an office eo an ak elane office eo an Speaker ejelok kobban, Vice-Speaker eo naj tel kwelok eo ak komone jermal eo mae ien Speaker eo enaj bar bed ilo kwelok eo ak maron in komone jermal eo.

(4) Elane ilo jabrewot ien Nitijela ej kwelok, im ejako Speaker eo ak Vice-Speaker eo im emaron tel ilo juon kwelok an Nitijela ak komon jabrewot bar jermal ko an Speaker eo, Clerk eo an Nitijela enaj tel kwelok eo non an komon bwe ro uan Nitijela ren maron kelet juon ijer eo ejjab President ak Minister, non tel jabrewot kwelok im komoni jabrewot bar jermal ko an Speaker eo mae ien Speaker eo ak Vice-Speaker eo ebed ilo kwelok eo ak emaron in komone jermal eo.

(5) Ilo jabrewot ien Nitijela ejjab kwelok, im ejako Speaker eo ak Vice-Speaker eo, Clerk eo an Nitijela enaj jiton juon uan Nitijela eo, ejjab President eo ak juon Minister, kin juon leta ar jaini bwe in ej uan en komoni jermal ko an office eo an Speaker eo mae ien eo Speaker eo ak Vice-Speaker eo ej bar maron komoni jermal kein.

(6) Kajojo pepa, koba jabrewot pepa in kamol, Speaker ilo an komoni jermal ko an enaj jaini im Clerk eo an Nitijela enaj bareinwot jaini, im elane ekkar non Section in, jabrewot pepa ak ppepa in kamol eo Vice-Speaker eo ak juon eo uan Nitijela ej jaini ilo an komoni jermal ko an Speaker eo, enaj aikuij in kalikar kadkadin ilo pepa ak pepa in kamol eo.

Section 9. Na Lemen Kajitok ko Ikiijen ro Uan Nitijela

Jabrewot kajitok jarjar ikiijen jimwe im maron an jabrewot armij non vote ilo juon ekaleel an juon ak lonlok ro uan Nitijela, ak non an erum ak bed wot einwot juon uan Nitijela, ak non kojermal jimwe im maron ko an juon dri kwelok, ikiijen makitkit an juon armij, ak ikiijen komon an jabrewot armij ilo an jelet juon ak lon lok ian ro uan Nitijela, naj lelok non High Court eo bwe en uaki.

Section 10. Kwelok ko an Nitijela

(1) Nitijela enaj kwelok ilo regular session Monday eo maktata ilo January in yio otemjej im enaj, ekkar non Section 11 ilo Article in, kwelok manlok wot ilon 50 ran in kwelok:

Ijowotke President eo emaron, kin leta eo emoj an jaini, jiton juon ien erumij lok non kojemlok jabrewot regular session.

(2) Elane ear wor juon ekaleel elap ak elane, ilo jabrewot ian Nitijela ejab kwelok, juon ekaleel an President ej aikuij komon kin jabrewot un ko, im elon

lok jen 60 ran renaj ella mokta jen ien regular session eo tok juon an Nitijela, President eo enaj, iloan wot 14 ran elkin ien ekaleel eo elap ak ilo ien eo ewalok jabrewot wewin bwe en wor ekaleel President, inem President eo enaj kir Nitijela non kwelok ilo juon special session ilo juon ien eo ejamin aetok lok jen 30 ran jen ran eo kiri; im ilo jabrewot wewin ko elane President eo ejanin kir Nitijela non kwelok ilo special session ekkar non paragraph in inem Speaker eo enaj kir Nitijela non juon special session ilo juon ien eo emokaj im ekkar.

(3) Elane elonlok jen 120 ran emoj air ella jen ran eo ear dedelok kwelok eo ej jemlok lok an Nitijela, jabrewot 10 ian ro uan Nitijela im rejab uan Cabinet eo rej kwelok ikijien en jab iet lok jen 4 bukon in ekaleel, remaron kin juon petition kajojo iaer rar jaini, kajitok bwe President eo en kir Nitijela non kwelok ilo special session non air bebe im lomaki kajitok ak jerbak ko remenin alkuij non armij ro einwot air walok im alikar ilo petition eo. Ijellokin wot ne President eo ear, iloan 7 ran jen ien eo ear lo petition eo, kir Nitijela non kwelok ilo juon special session ilo juon ran eo ejamin ella lok jen 30 ran jen ran eo ear kiri, inem Speaker eo enaj kir Nitijela bwe en kwelok ilo juon special session ilo ran eo emon im ekkar. Jabrewot special session kiri ekkar non paragraph in emaron lomaki im jerbak jabrewot wewin ko; ijoke ejelok special session enaj jemlok mokta jen 30 ran in kwelok ko ijellokin wot ne Speaker eo emwij an kalikar im kamole bwe Nitijela eo emwij an jerbali im kadedelok jerbak ko reidrin im ear kir bwe en komoni.

(4) Ilo jabrewot ien ne Nitijela ejab kwelok ilo regular session ak ilo special session, President eo emaron, ilo an jeje im jaihi, kir non kwelok ilo juon special session.

(5) Ekkar non paragraph (3) ilo Section in im Section 11 ilo Article in, President eo naj, kin leta eo ear jaini karok juon ran non kojemlok jabrewot special session an Nitijela.

Section 11. Wewin ko Ikijien Kojemlok Kwelok ko im Kakiije ko an Nitijela

- (1) Ekkar non Section 12 im 13 in Article in
- (a) jabrewot ien, ilo jabrewot kwelok ko Nitijela ealkuij kelet juon President, kwelok in an Nitijela jamin jemlok im ejamin naj kakiije mae ien ededelok jiton ro uan Cabinet eo, elkin kelet juon President, ijowotke, ikijien juon ekaleel elkin wot an President eo komoje jen office eo an ekkar non paragraph (3) ilo Section 7 ilo Article V, kitien kamojmoj eo emoj an mokajlok an jemlok kitien ak;
- (b) jabrewot ien; ilo jabrewot kwelok an Nitijela, im emoj kwalok kin juon bebe in jalke ilo Cabinet eo, kwelok eo an Nitijela ejamin naj jemlok

im kakije, mokta jen an jemlok ran ko 10 elkin ran in kojella eo, ijellokin wot ne bebe eo ar mokaj lok kitien vote kake.

(2) Ekkar non paragraph (1) ilo Section in, Rules ko an Nitijela remaron kwalok kin juon ien kakije ilo jabrewot kwelok an Nitijela.

Section 12. Kokaal Nitijela eo im Ekaleel eo Elap

(1) Ekkar non paragraph (2) im (3) ilo Section in Nitijela eo naj kokaal im enaj wor juon ekaleel elap non aolepen ro uan ilo emen calendar yio otemjej ijellokin wot an mokaj lok an Nitijela kokaal im emokaj lok an kommon ekaleel eo elap ekkar non Section 13 in Article in.

(2) Nitijela eo enaj make kokaal ilo ran en kein kajilnul ilo September in yio en kein kemen elkin yio eo im ekaleel eo elap mokta lok ear kommon:

Ijowotke, elane ilo jabrewot calendar yio, ear wor ekkar non Section 13 ilo Article in, juon ekaleel elap ilo ak mokta jen ran eo kein kajilnul ilo April, inem Nitijela eo enaj make wot im kokaal ilo ran en kein kajilnul ilo September ilo yio eo kein kajilu elkin yio eo im ekaleel eo elap ear kommon.

(3) Ilo yio en im ejemlok kitien Nitijela eo ilo ran en kein kajilnul ilo September, enaj wor juon ekaleel elap ilo Monday en kein kajilu ilo November.

Section 13. Wewin ko non Kokaale Nitijela im Ekaleel eo Elap Emokajlok

(1) President eo emaron, ilo an jeje im kamol kin eitan pain, kojemlok kitien Nitijela eo elane--

(a) juon bebe in jalke ilo Cabinet ar weppen ruo alen im jab jejet kitien ruo alen, im ejanin bar wor President enanin bok office ilo tore in ikotan vote in jalke kein ruo; ak

(b) ejelok Cabinet en nanin jitone iloan 30 ran ko, elkin, Nitijela eo naj wonmanlok non kalet juon President ikijien jabrewot un ko, ijellokin wot an President eo kamoje jen office elkin juon vote in jalke.

(2) Maron eo an President eo non kokaal Nitijela eo naj ella im jako elane jab kojerbale mokta jen an jemlok 30 ran elkin ien eo im kar jino jarjar.

(3) Ilo aolep ien ko im Nitijela eo emoj an jako non an bar kokaal ekkar non Section in, enaj aikuij wor juon ekaleel elap ilo Monday eo kein kajiljimjuon elkin wot ien eo im ear jako non an bar kokaal.

Section 14. Clerk eo an Nitijela

(1) Enaj wor juon an Nitijela Clerk, eo im enaj juon officer an Public Service eo im enaj bok eddo in jermal ko elelok in Jemen-Ei in ak ekkar non Kien ak rule ak non juon resolution an Nitijela.

(2) Clerk eo an Nitijela enaj bok eddo in

(a) keboj jermal ko im kojbarok record in kwelok ko an Nitijela im jei record kein jen ien non ien; im

(b) keboj pepa ko im pepa in kamol ko non an Spéaker eo jaini, ilo jabrewot ien ne jain ak kamol jen Speaker eo emenin aikuij ekkar non Jemen-Ei in ak jabrewot kien, im kommon im kojbarok record in aolep pepa in kamol ko jaini ak lelok;

(c) karok non kommoni jermal in jeje non Speaker eo im ro jet uan Nitijela im bar jermal ko jet elane naj aikuiji.

Section 15. Rebeltan Kwelok im Makitkit Ko an Nitijela

(1) Ekkar non Section in im kakien ko jet, Nitijela eo emaron, jen ien non ien kommon rule non kiene im kelajrak kilen kommoni kwelok ko an im rebeltan komakitkit jermal ko an.

(2) Rule ko an Nitijela naj kamole bwe, ilo an kommoni jermal ko an, enaj wor ien non an aolep kommon im jakemantak aolep lomnak ko non an Nitijela eo maron ronjaki.

(3) Ijellokin wot ijoko im Jemen-Ei in ej kalikari, aolep kajitok im menin konono ko iman Nitijela naj uaki im kommon jemlok ie kin vote ko rillon an ro uan Nitijela ilo air bed im vote ilo kwelok ko an.

(4) Ijellokin wot ne, ekkar non juon Kien ak rule ko an Nitijela, jabrewot ian ro uan Nitijela ejamin vote ikijien jabrewot menin bebe ne ej kile ke ejalete e make, botab, jabrewot ro kajojo uan Nitijela rej bed im kwelok renaj aikuij in vote ilo jabrewot menin jade iman Nitijela.

(5) Ne ewor jabrewot kajitok ak menin konono jake mantak non Nitijela, jabrewot ian ro uan remaron kir non juon roll-call vote, ijellokin wot ne Jemen-Ei in ekalikare ke vote kin secret ballot.

(6) Ejelok uan Nitijela emaron in vote elon lok jen juon alen ilo jabrewot menin bebe, ak vote ilo etan bar juon dri kwelok, ak likit juon armij non an kwelok ilo etan ilo jabrewot kwelok ko an Nitijela.

(7) Ejelok bebe ak jabrewot lomnak naj koweppene im ejelok dri jibarek naj kelete kin vote ko woraer wot juon, ijoke maron bar kommon vote ikijien bebe eo, lomnak eo, ak ekaleel eo ilo wewin eo karoke ilo lajrak in rule ko an Nitijela.

(8) Ejelok jermal na, kompone ilo Nitijela elane oran dri kwelok ro ebed etelok jen jimettan in aolepen ro uan Nitijela.

(9) Maron ko an Nitijela eo naj jamin jeleti mane ewor jabrewot jea ejelok kobbaer.

(10) Ejelok Bill enaj ella elane ear jab 3 alen konono kake ilo Nitijela.

(11) Jabrewot Bill ak jermal ko jet iman Nitijela renaj aikuij jako ilo ien an kokaal Nitijela eo.

(12) Nitijela emaron, kin resolution, kwalok ke jabrewot armij eo ear jermal ilo jab lor eon ko iloan Jemen-Ei in ak jabrewot kien eo im ejelat wewin kilen komakitkit jermal ko an Nitijela, ak rule ko an Nitijela, ejumae im kojekdon Nitijela; ijoke ejelok uan Nitijela en naj kaje, ijellokin wot kabojrak jen an jermal, en jab aetok lok jen lo ran in kwelok ekkar non kien ak Rule ko, im ejelok armij ijellokin juon eo uan naj-kajeiki, ijellokin wot na ekkar non juon kien eo emwij komleleiki bwod ko im renaj menin jumae im kojekdon Nitijela im kommen wewin ko non ronjake im ekajete im kaje ko naj edor jen High Court eo.

Section 16. Jimwe ko an Nitijela im Ro Uan

(1) Aurok im mol in jabrewot jermal in kwelok an Nitijela, ak jabrewot ian committee ko ie, ak joint conference ak joint committee, im aurok im mol in jabrewot papa in kamol elelok in Speaker eo iumin Section 10 ak Section 21 ilo Article in ak Section 3 ak Section 4 ilo Article XII, ak Section 6 ilo Article XIII, naj jamin kajitikini ilo jabrewot Court; ijoke menin jamin bok bwe en melelen bwe en jolok etale an jikin ekajet eo ikijien aurok im mol in jabrewot kien ak resolution ko an Nitijela iumin Jemen-Ei in.

(2) Ro uan Nitijela renaj, ijellokin wot kin jorren ko rellap, jamin jibwe im kalbuji ilo jabrewot ien air kwelok ilo Nitijela, im ilo air jibadoklok im jeblak jen jikin kwelok ko.

(3) Ejelok juon ian Speaker eo kab officer ro an Nitijela, ro maron ko rebed ibbeir non komakitkit, lale im etale wewin lajrak im karokan jermal ak kojbarok aineson ilo kwelok ko, ilo air kojerbale maron kein, naj liakelok non jabrewot Court; ijoke wewin in ejab melelen bwe bwe ej kajej tokjen maron eo an jikin ekajet eo iumin Section 7 ilo Article II ak etale an jikin ekajet, ilo juon ekajet nae Clerk eo an Nitijela einwot juon dri jumae abnono ekkar non Section 9 ilo Article in.

(4) Nitijela ak jabrewot ian ro uan Nitijela naj jamin liakelok ak ekajete ir ilo jabrewot droulul ko ilikin Nitijela, ak liakelok kin jabrewot bwod civil ak criminal, ikijien jabrewot vote ko kommoni, nan ko kwaloki, papa ko jai, jermal ko kommoni, einwot mottan jermal ko an Nitijela eo.

Section 17. Wonen ro uan Nitijela

Wonen President eo, Minister ro, Speaker eo, Vice-Speaker eo im ro uan Nitijela naj kalikari kin kakien.

Section 18. Jakemantak Bill ko ilo Nitijela

Jabrewot ro uan Nitijela remaron in jakeman lok Bill ak kommon jabrewot bebe non iakwelel ilo kwalok jabrewot abnono non Nitijela eo, im jabrewot Bill, bebe, ak abnono non lomnak kake im kadedelok ekkar non Jemen-Ei in im Rule ko an Nitijela.

Section 19. Eon ko Ikiijen Bill ko rej Kalikar Wonen ko

(1) Section in enaj jerbale non jabrewot Bill ak oktak ko an juon Bill eo, ilo lomnak eo an Speaker eo, ej kalikar wonen jabrewot armij ak kilaj in armij ro im woneir ekkar non kien aikuij in kalikari kin kien.

(2) Nitijela eo ejamin wonmanlok wot jen konono eo kein kajuon ikiijen jabrewot Bill ak oktak eo im Section in ejelete, ijelokin wot ne ebed juon report eo im juon committee an Nitijela ar karoke ak eo kommon in ra ko jet emoj komelimi kin kakien, ikiijen drettan wonen im jonan kolla ko jet (elane ewor) eo im eaikuij bwe en kolla non jabrewot armij ak kilaj in armij ro im Bill ak oktak eo ejelet ir; im bwe report eo emwij je.

(3) Committee eo an Nitijela ak bar jabrewot ra eo ej kompone report eo naj bok im dror ilo lomnak ilo an jerbale report eo armij ak kilaj in armij ro im jabrewot Bill ak oktak ko naj jelet ir ilo an Section in jerbale.

- (a) jonan wonen ko ekka ilo jukjuk im bed eo; im
- (b) wonen mour; im
- (c) aurok in office im jerbale ko an ilo an naj kompone; im
- (d) jonan kabel im maron eo an armij ak kilaj in armij ro im naj jelet ir; im
- (e) astokan len eo im armij eo ak kilaj in armij ro wewin eo ejelet ir im kotmene bwe renaj bed ilo jerbale ko air; im
- (f) elane armij eo ak kilaj in armij ro im wewin eo ejelet ir rejale lokjak non air bar kommoni jerbale ko jet non wonen ko; im
- (g) jabrewot bar wewin ko jet rejelet armij eo ak kilaj in armij ro jiton ir.

(4) Juon kakien eo im ej lukkun kalikar wonen ko kollaiki non jabrewot armij ak kilaj in armij ro, im woneir aikuij in lukkun alikar kin juon kakien naj jamin, kin kien eo make; maron kile bwe ej melim non kojerbale money ko naj komelimi wot ekkar non Article VIII.

**Section 20. Wewin ko Ikiijen Bill ko rej
Kwalok Maron ko non Erom Dri
Ekajet ro**

Nitijela eo ejamin wonmanlok wot jen konono eo kein kajuon ikiijen juon Bill ak oktak eo im, ilo lomnak eo an Speaker eo, ej kalikar jonan maron ko im aikuiji non jitone einwot juon dri ekajet ijelokin wot ne ewor juon report komon in Judicial Service Commission eo im ej alikar elane maron kein rekkar, im bwe report eo ededelok an bed ilo jeje.

Section 21. Ne Bill ko rej Erom Kien

(1) Ekkar non karok ko an paragraph (5) ilo Section 4 ilo Article XII, ilo wewin ko paragraph eo ej jermal noni, juon Bill enaj erom kien wot elane

(a) emoj an weppen ibben Nitijela; im
(b) Speaker eo, ilo an boburuon bwe emoj an weppen ilo an lor wot Jemen-Ei in im Rule ko an Nitijela, emoj an dror jain eo an ilo juon copy in Bill juon pepa in kamol bwe rar lor wewin ko im aikuij kommone ekkar non Section in, im emoj ilo an bed Clerk eo an Nitijela jaini pepa in kamol eo im dror ran eo im ar jaini; im

(c) Clerk eo an Nitijela emoj, ilo an bed Speaker eo, ar bar jaini pepa in kamol eo ilo copy in Bill eo.

(2) Juon Bill emaron in jain jen Speaker eo im Clerk eo an Nitijela ekkar non Section in mene Nitijela ej kwelok ak jab.

(3) Juon Bill eo ej erom kien ilo lor wewin ko aikuij in lore ekkar non Section in ak paragraph (5) ilo Section 4 ilo Article XII naj juon kien an Nitijela eo.

(4) Ilo lor eon ko ie, juon kien enaj jejet kitién ilo ran eo im jaini im kabene ie.

ARTICLE V

RAN LOLORJAKE KIEN EO

**Section 1. Maron an Ran Lolorjake Kien im
Kobain Edro an Cabinet eo**

(1) Maron in lolorjake kien eo an Marshall Islands enaj bed ibben Cabinet eo, im ro uan rej koba ilo air jermal non Nitijela eo.

(2) Ekkar non kien, Cabinet eo enaj make kojerbal maron eo an non lolorjake kien, ak emaron kabbe ro kajojo uan, im officer ro jet rej jermal non Cabinet eo; ijowotke, ejelok mot an ko ilo-jabrewot kien; im ejelok

jabrewot wewin kabbe ko renaj kariklok edro eo an Cabinet eo im kajojo ro uan ilo air jermal non Nitijela eo ikijien karok im lolorjake kien.

(3) Maron an ran lolorjake kien ej bed ibben Cabinet eo ekoba im ejamin wor jonan ikijien kajur, jermal, edro im maron kein:

(a) Cabinet eo enaj tel im bok edro in kien eo an Marshall Islands;

(b) Cabinet eo enaj kabilok Nitijela ikijien elmakot in kien ko ej watoki remenin aikuij im ekkar non lolorjake kien im bebe ko an; im, elaptata, Cabinet eo, ilo an lor karok ko ilo Article VIII, enaj kabilok Nitijela eo ikijien elmakot ko non kommon owoj ak bar money ko jet im ikijien wewin kojermal money ko an aolep armij;

(c) Cabinet eo enaj jermal non Nitijela ikijien kojermal money ko an aolep armij, im non kolajraki money ko ekkar non kojemoj ko an Nitijela ak non bar ra ko jet elelok in Jemen-Ei in ak kin kakien;

(d) Cabinet eo enaj bok edro in bebe ibben lol ko ilikin Marshall Islands, mene ikijien bujen bebwe ko ak bar wewin ko jet:

Ijowotke ejelok bujen bebe naj weppen, im ejelok dri kean ak dri-utiej ro rej driojlok non lol ko ilikin, naj jiton in Cabinet eo, elane ejelok weppen jen Nitijela, kalikar kin resolution.

(e) Cabinet eo enaj bok edroin komon kien ko rekkar im menin aikuij non kojbarok jokane eo an Marshall Islands:

Ijowotke ejelok jar in tarinae enaj jutak ak bed ilo Marshall Islands ilo ien ainemon ijelokin wot karok ko kin kakien;

(f) Cabinet eo enaj wor an maron in karunwijlok kaje ak jolok ruon;

(g) Cabinet eo enaj bok edro in kajutak im kejbarok jikin ejmour ko im bar ra ko jet non kojbarok jermal in jiban ko rekkar ak rej menin aikuij non ejmour an aolep armij;

(h) Cabinet eo enaj bok edro in kajutak im kejbarok jikin jikul ko im kommon bar-karok ko jet einwot air naj ekkar ak menin aikuij non kakke ial in jelalokjen non armij in Marshall Islands;

(i) Cabinet eo enaj bok edro in kajutak im kejbarok bar ra ko im jiban ko jet im kommon karok ko rekkar im rej menin aikuij non tobar juon jokkin mour eo ebolomen non armij in Marshall Islands non komon bwe en boburueir kin jimwe im maron ko ikijien jeramon, mour im manit ko air;

(j) ilo an kojermal maron kein, Cabinet eo emaron kommon kon im bar jemlok ko jet ilo etan Kien eo an Marshall Islands einwot ej kile bwe rej menin aikuij.

(4) Ejelok bujen bebe ak bar kon ko jet an lol in eo ej kab dredrelok kwoppene jen ak ilo etan Marshall Islands ilo ak elkin an jejet kitien Jemen-Ei in enaj, kin e make, wor kitien ilo Marshall Islands.

Section 2. Karokan Cabinet eo

(1) Cabinet eo enaj ejak kin President (eo enaj uan Nitijela) im bar ro jet uan Nitijela eo ro im emoj jiton ir bwe ren minister ekkar non Article in.

(2) Ekkar non Section 8 in Article in, ro uan Cabinet eo renaj wonmanlok wot im bed ilo office mae ien edredrelok jiton ro dri binej jenkwair.

Section 3. President Eo

(1) President eo enaj Jeban eo an Marshall Islands.

(2) President eo naj kelete kin vote ko relon ilo Nitijela eo im naj jitone non office in ekkar non paragraph (2) in Section 4 ilo Article in.

(3) Nitijela eo enaj, kin secret ballot, wonmanlok wot im kelet President eo ilo kwelok eo maktata an Nitijela elkin kajojo ekaleel ko relap im bareinwot ilo kwelok eo maktata an Nitijela elkin an walok juon ian wewin kein

(a) jea eo an President eo ejelok kobban ilo Nitijela kin jabrewot un ijelokin wot kokaal; ak

(b) ne President eo emoj an kwalok an lomnak ak alikar bwe enaj kamoje jen office eo.

(4) President eo emaron ilo jabrewot ien kwalok an lomnak in kamoje jen office eo kin pepa eo emoj jaini im lelok non Speaker eo.

(5) Elane President eo emoj an kwalok an lomnak in kamoje ejab maron bar oktak.

Section 4. Ijijiton Koban Cabinet eo Elkin Kelet President Eo

(1) Ilo ien eo emokajtata elkin kelete non office eo, President eo kelete enaj kwalok non Speaker eo kin jokelet ko non Minister ro ren jab iet lok jen 6 im jab lonlok jen jonoul jen ro uan Nitijela im emoj aer rie jokelet eo.

(2) Elkin an tobrak lok jokelet ko an President eo kelete iumin Section in, Speaker eo enaj, kin pepa ko ear jaini, jiton non office, President eo emoj kelete im Minister ro emoj jiton ir bwe ren uan Cabinet eo.

(3) Elane President eo emoj kelete ejanin kar, iumin 7 ran jen ran eo rar kelete non office, lelok non

Speaker eo ejab ietlok jen 6 ro uan Nitijela ro emoj jiton bwe ren Minister, inem kelet eo bwe en bed ilo office ejamin wor kitien, im bwe Nitijela eo enaj wonmanlok wot ilo ien eo emokajtata im bar kelet juon President.

Section 5. Elajrak in Jerbal ko

(1) President eo enaj, ilo ien eo im emokaj tata elkin an bok office, ilo jeje kin eltan pein, kolajrak ilubwiljin ro uan Cabinet eo (kobaik e make elane ej aikuuj) edro in jermal ko an Minister eo an Finance, Minister eo an Foreign Affairs, Minister eo an Communications im Transportation, Minister eo an Resources im Development, Minister eo an Social Welfare, Minister eo an Public Works im bar edro in jermal ko jet elane rekkar ak menin aikuuj bwe en ilok non juon eo uan Cabinet edro in jermal eo ikijien jabrewot ra ak jermal an Kien.

(2) President eo enaj bok edro eo in jabrewot ra ak jermal an Kien elane ejelok ilo lajrak in jermal ko ilo ien eo.

Section 6. Jiton Minister Ro im Kelajrak Jerbal ko ilo ien ko jet

(1) President eo emaron, ilo jabrewot ien ne kot in uan ro rej Minister ej ietlok jen 10 jakelok non Speaker eo, kin rie an eo ej uan, jokelet eo jen juon eo ej uan Nitijela non jitone einwot juon Minister.

(2) Speaker eo enaj, kin juon pepa eo emoj an likit eltan pein ie, jiton juon bwe en Minister jen jabrewot ian ro kar jokelet ir.

(3) President eo emaron, ilo jabrewot ien, ilo jeje im kaben kin eltan pein, kolajrake jabrewot edro in jermal ilo an ejelok lajrak in juon edro in jermal ak bar maron kalikar jabrewot edro in jermal ko.

(4) Elane ej alikar non President eo ke jabrewot Minister enaj kin kilan ninimij ak jako jen Marshall Islands ak jen jea eo an ilo kien, ilo ien eo ejab maron lolorjake jermal ko ilo jabrewot edro ko kalikari none, emaron kin eltan pein, jiton jabrewot Minister non lolorjake edro ko an jermal in, mae ien Minister eo kar lelok edro in jermal kein none enaj bar maron komoni jermal kein.

Section 7. Vote in Jeleke ilo Cabinet eo

(1) Ilo jabrewot ien kwelok an Nitijela eo, 4 ak lonlok ro uan Nitijela eo im rej jab uan Cabinet eo remaron lelok juon kojella ikijien air lomnak in komone juon vote in jaleke ilo Cabinet eo.

(2) Jabrewot bebe rot in naj vote kake ilo juon kwelok an Nitijela eo im ej komon ejab mokajlok jen 5 ran im jab rumijlok jen 10 ran elkin ran eo im kar lelok kojella in.

(3) Elane bebe eo kin jaleke ej weppen jen ro elon uasr ilo Nitijela eo, President eo enaj aikuij lomnak in kamoje jen office eo.

(4) Elane Nitijela ejanin kar kelete juon President iloan ran ko 14 elkin ran eo President eo en kar kamoje jen office eo, vote in jaleke eo im lomnak in kamojmoj eo an President eo naj jemlok kitier.

(5) Ilo wewin eo elane juon vote in jaleke emoj an jemlok kitien kojella eo kin lomnak eo bwe en kommon juon vote in jaleke ilo Cabinet eo emaron jab bar kommon mae ien Ejemlok 90 ran elkin ran eo ear jemlok kitien vote in jaleke eo, mae ien eo emokajlok jiton ro uan Cabinet eo, elkin kelete juon President.

Section 8. Minister ro Ejemlok air Jerbal

(1) Jabrewot Minister naj jemlok an jermal ilo office einwot juon uan Cabinet eo elane

(a) President eo enaj kamoj Minister eo jen office kin pepa ko ear jaini; ak

(b) ej jijot lok jen jea eo an ilo Nitijela kin jabrewot un ijelokin wot an kokaal; ak

(c) ej kamoje jen office eo kin juon pepa ear jaini, im lelak non President eo.

(2) Elane ej walok an ejelok koban office an juon Minister im kommon bwe woran Minister ro en ietlok jen 6, President eo enaj, iloan 30 ran elkin an ejelok koban jea in, jakelak non Speaker eo jokelet eo an ikijien juon Minister ekkar non paragraph (1) in Section 6 ilo Article in.

(3) Elane, ilo jabrewot wewin eo paragraph (2) im Section in ejelete, im President eo ejab jokelete juon Minister ekkar non maron kein an, naj watok bwe emoj an lomnak in kamoje jen office eo.

Section 9. Dri Binej Jenkwon President eo

(1) Ilo jabrewot ien elane, kin kilan naninmij ak jako jen Marshall Islands ak jen jea eo an ilo kien. Presidenteo elane ejab maron iumin jidrik ien komoni jermal ko an ilo Marshall Islands ak ilo jea eo an ilo kien, ilo wewin eo, ak ilo jabrewot ien ne President eo ear ak ej lomnak in kamoje, Cabinet eo emaron kajitok bwe Speaker eo en jiton juon Minister non kommoni jermal ko an President eo mae ien President eo emaron bar kommoni jermal ko an ak jijet lok jen office eo an; im Speaker eo enaj, kin pepa ko ear jaini, kommons juon jokelet ekkar non wewin eo ewalok.

(2) Elane President eo ej jijet lok jen jea eo an ilo Nitijela kin jabrewot un ijelokin kokaal, Speaker eo, kin kajitok an Cabinet eo, ak bareinwot elane ejelok kajitok iloan ran ko 7 in an ejelok koban jea eo an

President eo, inem ilo kojermal maron kin jiwwe eo an make, enaj, ilo pepa ko ear jaini, jiton juon Minister non kommon jermal ko an President eo mae ien eo emoj jiton ro uan Cabinet eo elkin kelet President eo.

Section 10. Kwelok ko an Cabinet

(1) Ejelok jermal enaj kommon ilo jabrewot kwelok an Cabinet eo mae ien ebed iet tata 4 ian ro uan Cabinet.

(2) Cabinet eo ejab aikuij bwijrak jen an kommon jermal ko an kinke ewor juon jea ejelok koban ilubwiljin ro uan, ak kinke, ilo jabrewot wewin ko im paragraph (4) in Section 6 in Article in rejeleti, ejelok ekkar emoj lelok einwot konono kake ilo paragraph eo.

(3) Ejelok kwelok an Cabinet naj kajitikini kinke juon ian ro rar kwelok einwot juon ian ro uan Cabinet ak ekkar non kwelok eo ear jab maron in jermal.

(4) Kojella in aolep kwelok an Cabinet eo im juon copy in kajojo pepa non lomnak kaki ilo kwelok eo naj lelok non kajojo ro uan Cabinet eo, Chief Secretary eo, non Attorney-General eo, im non Secretary eo an Finance.

(5) Chief Secretary eo enaj wor an maron in bed ilo jabrewot kwelok an Cabinet eo im non konono ikijien jabrewot wewin Cabinet eo ej bebe kaki, im naj bed elane menin aikuij jen President eo ak bar ro jet uan Cabinet eo.

(6) President eo enaj tel aolep kwelok ko an Cabinet eo ilo ien an bed.

(7) Jemlok an Cabinet eo ikijien jabrewot menin konono naj kommon jen ro uan Cabinet im rej bed ilo juon ien kwelok an Cabinet eo.

(8) Ekkar non Section in, Cabinet eo enaj make karok wewin an jermal ilo juon jokjok eo ej lomnak bwe ekon.

Section 11. Bebe im Lomnak ko Jet Kommon jen Cabinet eo

(1) Jabrewot bebe eo ear kommon jen Cabinet eo enaj wor kitier, im jabrewot bebe an Cabinet eo enaj moj kamole ke bebe eo ak record eo ikijien bebe eo edredrelok an kar President eo jaini, mene ear bed ak jako ilo ien kwelok eo an Cabinet ilo tore eo bebe eo ak jemlok kein jet rar weppen, im Clerk eo an Cabinet ear jaini.

(2) Ilo jabrewot wewin ko Jemen-Ei in ear jab komaroni ak bar jabrewot kien, im kin rie ak weppen jen Nitijela elane raikuij, President eo ak juon Minister eo ej jermal kin maron an President eo emaron jaini, ekkar non bebe an Cabinet eo, jabrewot mottan kien kin ijiton ak bar mottan kien ko rar ejak ilo etan Kien eo an Marshall Islands.

Section 12. Clerk eo an Cabinet

(1) Enaj wor juon Clerk an Cabinet eo enaj juon officer in Public Service im enaj bok edro in karok jerbak ko im kojbarok minute in kwelok ko an Cabinet eo im non kwalok jemlok ko an Cabinet non armij ro ak ro telokier, im naj jerbak, kin karok an Cabinet eo, jerbak in jeje ak bar jerbak ko jet einwot maron aikuiji.

(2) Clerk an Cabinet eo enaj bok edro in boktok non Cabinet eo jabrewot karkan lomnak ko non Cabinet eo jen Council eo an Iroj.

ARTICLE VI

RAN EKAJET EO

Section 1. Maron an Jikin Ekajet Eo

(1) Maron an ran ekajet eo an Marshall Islands enaj jenelok jen maron ko an ran komon kien im lolorjake kien im naj bed ibben juon Supreme Court, juon High Court, juon Traditional Rights Court, im bareinwot District Court ko einwot Community Court ko im bar ran ekajet ko jet einwot ejak kin kien, kajojo jikin ekajet kein ebed jonan kajur im maron ko im ejak iumin rule ko einwot maron kalikar kin kien im rej lor wot mottan ko ilo Article in.

(2) Kajojo jikin ekajet ilo Marshall Islands naj wor air maron non ketellok nan in kain ko jen Court im wewin ko jet, komon rule ko im karok ko im kwalok aolep wewin ko aikuij lori ilo ekajet, im rejab jelet kien, ko im maron naj aikuij non kamijwe jerbak in ekajet im lolorjake Jemen-Ei in.

(3) Maron eo lelok in paragraph (2) in Section in naj koba, ilo wewin eo ejelat Supreme Court im High Court im bareinwot jikin ekajet ko jet einwot air ejak kin kien, maron non lelok bail, bok money in kebetaklik, komon karok ko bwe en bed dri kamol ro mene ewor ak ejelok pepa in kamol ibbeir, komon karok ko non kejedre men in kamol ko, im lelok kaje ikijien jumaee court.

(4) Ijelokin wot elane ebar wor karok ilo Jemen-Ei in, kajojo dri ekajet an Supreme Court ak High Court naj aikuij in juon eo ekkar kin kabel ko kalikari jen ak ilo kakien; naj ijiton in Cabinet eo kin kabilok an Judicial Service Commission eo, im kin weppen eo kalikare kin resolution an Nitijela eo; emaron mae ien ewor juon weppen, wonmanlok im komon jerbak ko an office eo an mae ien ejemlok 21 ran jen ien en ejino kwelok eo tok an Nitijela; im naj bed ilo office toon wot an emman an jerbak mae ien ej tobar 72 yio drettan ijelokin wot, ilo wewin eo im ejelat juon dri ekajet eo im ejab armij in Marshall Islands, dri ekajet eo naj jitone non juon term eo juon ak lonlok year aitokan, ak,

ilo wewin ko non juon dri ekajet eo ej jijot ilo bar juon maron, non bar juon ien ekajet an jikin ekajet eo.

(5) Mae ien Nitijela ej kalikar kin kien jonan kabel an dri ekajet ro an Supreme Court im High Court, dri ekajet ro rej aikuuj ro im rekkar kin jalalokjen, iminene, im maron komon jermal ko an office in.

(6) Ejelok dri ekajet naj bok kunan ilo jemlok ikijien jabrewot abnono eo im ejja dri ekajet in wot ear bok kunan ie ak ejab maron kinke abnono eo ejelete e make.

(7) Wonen Chief Justice eo im dri ekajet ro jet an Supreme Court im Chief Justice eo im dri ekajet ro jet an High Court naj lukkun kalikar kin kakien.

(8) Juon dri ekajet an Supreme Court ak High Court maron komakiti jen office kin resolution an Nitijela eo im ear weppen jen jonan eo edrik tata ruo-mottan-jilu in aolep ro uan im kin un ko relukkun in lap im ne ejab maron ak jab maron mol ilo an bok edro in jermal ko an office in ak ikijien komoni bwod ko nae lol eo, wiaik buruon armij kin money, ak bar bwod ko rellap ak bwod ko jet im rejelet edro eo an office eo an.

(9) Elane Nitijela ejab kwelok, Cabinet eo emaron kabwijrak jabrewot dri ekajet an High Court ak Supreme Court mae ien ej jemlok ran ko 21 elkin an ijino kwelok eo tokelik, botap kin wewin ko wot im kamoli im Nitijela enaj komakit juon dri ekajet kaki.

(10) Ilo jabrewot ien office eo an jabrewot dri ekajet an Supreme Court ak an High Court, im ar dredrelok an wor koban, ej ejelok koban ilo jidrik ien, ak jabrewot dri ekajet ejab maron in komoni jermal ko an office eo an, Cabinet eo, emaron wonmanlok lok im komone kin kabilok an Judicial Service Commission eo, in jiton juon dri ekajet einwot dri binej jenkwon dri ekajet eo ejako ilo ien an jako ak bar maron jermal, juon armij eo ekkar non melele ko ilo paragraph (5) ilo Section in.

Section 2. Supreme Court Eo

(1) Supreme Court eo enaj juon jikin ekajet eo eutie j tata, im naj ejak kin juon Chief Justice, im bar judge ro jet einwot an maron jen ien non ien kalikar kin kakien; im naj bed maron non etali jemlok ko an Court ko ilol, ilo men kein jimor, kien im men ko alikar bwe emol, im kabijer maron eo kin komon jemlok in aolep abnono ko im iakwelel ko im jadre iman jikin ekajet, ekkar non Jemen-Ei in im kien ko jet rekkar im an Marshall Islands.

(2) Juon appeal naj bed ilo Supreme Court eo

(a) einwot juon jimwe jen jabrewot jemlok an High Court ilo an kojerbale edro eo emoj komarone kake;

(b) einwot juon jimwe jen jabrewot jemlok an High Court ilo an kojermal jabrewot maron ko

ikijien appeal, botab ilo ien eo wot im High Court ej kamole bwe abnono eo ejelet juon kajitok eaurok ikijien kien einwot ilo melele kake, ak ilo an jelet jabrewot eon ilo Jemen-Ei in.

(c) kin maron eo an Supreme Court eo make, ilo an lor wewin ko im rejelet kejbarok wonen ko ak ko jet im Supreme Court ej lomnak bwe rejejet, jen jabrewot jemlok ko eliktata an jabrewot jikin ekajet.

(3) High Court eo emaron, ilo an make beke ak kin kajitok an jabrewot party ko rej bed ilo ekajet ko, lemantak non Supreme Court eo jabrewot kajitok ko rej jarjar ikijien melelen ak wewin ko rejelet Jemen-Ei in ilo jabrewot ekajet an High Court, ijelokin wot ekajet ko likit iman juon ekajet jen 3 ian dri ekajet ro.

(4) Ilo jabrewot wewin eo im kajitok eo emoj lelok non Supreme Court eo, enaj lomnake kajitok eo im jerbale im kadredrelok ak elane jab bar kejsblak non High Court eo non an jerbale im kadredreiklok ilo an lor jemlok eo an Supreme Court eo.

Section 3. High Court Eo

(1) High Court eo enaj juon jikin ekajet eo eutiaj eo ewor an maron non etale iakwelal ko ikijien kien im jimwe ilo Marshall Islands; im bwe enaj ejak kin juon Chief Justice im oran bar dri ekajet ro jet einwot jen ien non ien naj karok kin kakien, enaj bareinwot wor an maron non etale abnono ko ejejet air drelon ilo High Court eo; enaj bareinwot wor an maron in etale abnono ko im appeal jen Court ko jet ijelokin wot na kalikare kin kien, naj wor an maron in etale jabrewot jemlok ko elane rekkar non kien, komon juon ra ilo kien elane ewor kajitok jen jabrewot eo im jemlok ko ejelete.

(2) Ilo jabrewot ien elane ej 4 ak lonlok oran dri ekajet ilo Supreme Court im ilo High Court, jabrewot dri ekajet an High Court emaron jino ekajet ko kin 3 ian dri ekajet ro non lomake jabrewot abnono ko ilo maron an High Court elane dri ekajet in emoj an lo ke abnono eo ejelet juon ian kajitok eo elukkun aurok nas kien ikijien melelen kien eo ak ne ejelet mottan Jemen-Ei in ak bar wewin ko jet raurok im rejelet armij ro; im elane ejabwe oran dri ekajet ro an High Court im remaron in jerbale, inem, ilo an jamin kakure maron eo an Supreme Court ikijien an bar etale abnono eo, dri ekajet ro im rebed im ekkar air ronjake rej aikuij bwe ren dri ekajet ro an Supreme Court.

Section 4. Traditional Rights Court Eo

(1) Traditional Rights Court eo enaj juon jikin ekajet; enaj ejak kin 3 ak elonlok dri ekajet ro kelet ir ilo an emon im bolema air itok ikijien aolep maron ko ion bwirej ekoba, ijoko ekkar, Iroiylaplap, Iroijedrik, Alap im Dri Jermal; naj jijot ilo ien im jikin ko, im bwe

naj kelet ir ikijien kajojo jikin, non kamol bwe en wor im emon melele ilo an kojerbal maron eo im elelok in Section in.

(2) Oran, uan im wewin jermal an Traditional Rights Court eo enaj lor wot paragraph (1) ilo Section in, im naj karok an High Court eo ijelokin im mae ien wot ne Nitijela ekomon jet eon non wewin ko kin kakien.

(3) Maron eo an Traditional Rights Court eo enaj non wot maron ko non kommon jemlok ikijien kajitok ko kin title ak maron ko ion bwirej, ak bar non maron ko jet im rej wawa ion manit im jabrewot karokan maron im jimwe ko ilo Marshall Islands.

(4) Maron eo an Traditional Rights Court eo naj maron in jermal einwot juon jimwe ilo ien eo juon party ej kajitok kake ikijien juon menin ekajet ejanin wor jemlokin ijowotke ilo ien eo wot im Court eo im ej jerbale kajitok eo ej kamole bwe kajitok eo ebed iloan maron eo an Traditional Rights Court eo.

(5) Elane juon kajitok emoj kabin im lelok non Traditional Rights Court eo non lomnake iumin paragraph (4), lomnak eo ikijien kajitok eo naj kajur kilan ilo an Court eo im jerbale ablonlon eo ie kompone jemlok eo an; ijowotke ejjab juon men eo im court eo ej jerbale ablonlon eo ej aikuuj in lore ijelokin wot ne court eo ej kamol bwe ej aikuuj in lore jimwe eo.

Section 5. Judicial Service Commission Eo

(1) Enaj wor juon Judicial Service Commission eo enaj ejak kin:

(a) Chief Justice eo an High Court, enaj chairman ak elane ejelok koban office eo an juon armij eo emaron jermal in im ewor an iminene in jermal in ekajet, im ijiton in Cabinet eo non an jermal ilo ien eo ejelok Chief Justice an High Court;

(b) Attorney-General eo ak, elane kin jabrewot un Attorney-General eo ejab maron in jermal, Chairman eo an Public Service Commission eo;

(c) juon armij in Marshall Islands, eo im ejab uan Nitijela eo ak dri jermal an Public Service eo; im ej ijiton in Cabinet eo jen ien non ien.

(2) Ejelok jermal Judicial Service Commission eo enaj kompone elane eiet jen jilu ian ro uan rej bed im kwelok, im aolep menin kajitok ko emoj jakimanlok non an Commission eo beki naj aikuuj weppen kin vote ko an ro elon uar.

(3) Judicial Service Commission eo enaj:

(a) kommon kabilok ko jen e make ak kin kajitok jen Cabinet eo ikijien ijiton ko non jikin ekajet eo;

(b) kabilok lok ak etale lajrak in jonan kabel ko im aikuuj bed ibben juon armij mokta jen

an maron erum juon dri ekajet jen e make ak elane kajitok jen Speaker eo ak Cabinet eo;

(c) jiton im komakit judge ro an jikin ekajet ko jet, im Traditional Rights Court eo elane komalimi kin kakien.

(d) kejerbal edro im maron ko jet cinwot lelok kin kien.

(4) Ilo kojerbal edro im maron ko an jet, Judicial Service Commission eo ejamin bok jabrewot karok jen Cabinet ak jen jabrewot ra ak armij ro jet, ak enaj aikuij jrbal kin karok ko an make.

ARTICLE VII

PUBLIC SERVICE EO

Section 1. Public Service eo an Marshall Islands

(1) Public Service eo an Marshall Islands enaj kobain aolep dri jermal einwot naj aikuij non jiban lok Cabinet eo ilo kojerbal maron eo an ikijien lolorjake kien ko an Marshall Islands im non bar kommone jermal ko jet an Marshall Islands im einwot air naj maron menin aikuij.

(2) Ijellokin wot einwot an alikar ilo paragraph (3) im (4) ilo Section in, ejelok armij enaj bok wonen jen money ko an armij ro ijellokin wot ne ej juon dri jermal in Public Service eo.

(3) Non un ko ilo Article in, juon public corporation ak ra eo kemarone im ej jutak iumin kien ko an Marshall Islands naj watoke mottan wot office ko an kien, im juon eo uan ak dri jermal in jabrewot public corporation ak ra ko kajutak in kien, enaj ekkar bwe en bok wonen jen money ko an aolep armij ro; botab, ejelok kalijeklok non jekjek ko jet roktak an juon public corporation ak ra ko kajutak in kien ak jabrewot ro uan ak dri jermal ak money ko ie, ak bar jen money ko jet me kollaik wonen juon eo ej uan ak juon dri jermal naj maron in kolla none, im ilo kojerballi Article in ilo juon wewin emaron in jenolok ekkar non kakien.

(4) Ejelok jabrewot ilo Section in enaj jelet jabrewot armij eo me wonen ej aikuij jenolok ilo aer kalikare kin kakien, ak jabrewot armij eo jitone non office einwot ej walok ilo Jemen-Ei in, elane ejjab jen Public Service Commission eo, ak ro uan navy eo, dri tarinae, ak air force, ro uan police, jikin ikkun kijek, coastguard ak jikin kalbuj ko im kajutak in kien, ak jabrewot officer ak dri jermal in kien ko ilal, ak ikijien honorary service, ak jermal in kabilok ko kommoni kin wonen ko ak commission ko.

(5) Ijellokin wot ne emoj kalikar kin Kien, juon dri jermal in Public Service eo naj maron ilok none, ien an kakiye ilo ejelok wonen, non an jermal non Marshall

Islands ilo jermal ko jet im eban wor aban none ilo an kommonne.

Section 2. Chief Secretary Eo

(1) Enaj wor juon officer an Public Service eo na etan Chief Secretary, eo im ej jeban Public Service eo im chief administrative officer im officer in kabilok non kien eo an Marshall Islands.

(2) Kobalok ibben edro im maron ko jet lelok none im kalikari iumin kien, Chief Secretary eo enaj bok edro ko ilo etan Cabinet eo ilo keblak im tel jermal ko an aolep ra im office ko an kien, im bwe kajojo jeban ro an jabrewot ra ak office enaj bok edro im jermal an ra eo ak office ilo etan Chief Secretary eo, im bareinwot non Minister eo im ej bok edro in ra eo ak office eo.

(3) Ilo jab kajekdron paragraph (2) ilo Section 10 ilo Article in, Commission eo an Public Service naj kebak President eo im bok lomnak eo an Cabinet eo, mokta jen an jiton jabrewot armij non an erum juon Chief Secretary.

(4) Ejelok nota jen jabrewot dri jermal in Public Service eo, likiti bwe en menin jumaee jabrewot armij jen an bok nebar im utiejlok ak jiton jabrewot non office eo an Chief Secretary.

Section 3. Attorney-General Eo

(1) Enaj wor juon Attorney-General, eo ej officer an Public Service eo, eo jela im kabel ko an renaj einwot ro im rekkar non jiton ir bwe ren dri ekajet an High Court eo.

(2) Attorney-General eo, ej e eo im ej jeban aolep ra ak office ko im rej lolorjake ekajet jimwe im bareinwot ra im office ko jet me Public Service Commission naj kabbe im likit iumin maron eo an.

(3) Koba lok iben jermal im maron ko jet lelok non e iumin Kien, Attorney-General eo enaj kabilok ikijien jabrewot melele ko ikijien jimwe in Kien ko im elelok in Cabinet eo, President eo ak juon Minister, im enaj bok edro in kommoni, jermal ak kabojraki jabrewot makitkit ko ikijien juon jorren eo emoj kommonne, im lale bwe kien ko ren jimwe im tiljok lori.

(4) Ilo kojermal maron eo an iumin paragraph (3) ilo Section in, Attorney-General eo ejamin naj bok jabrewot kabilok jen Cabinet eo ak jen bar jabrewot dri utiej ro jet ak armij, ak ej aikuij jermal iumin karok ko an make. E emaron kojermal edro kein ilo e make ak kabbeik officer ro im rej ilalin, ilo aer jermal iumin karok ko an ak bar jermal ko jet im ej kabbe ir kake.

(5) Ilo jab kajekdron paragraph (2) ilo Section 10 iloan Article in, Public Service Commission eo, naj kebak im konono mokta iben President eo im bareinwot bok lomnak eo an Cabinet eo, mokta jen jiton juon armij non an erum Attorney-General.

(6) Ejelok appeal jen jabrewot dri jermal in

public Service eo enaj likit bwe en menin jumae jabrewot armij jen an bok nebar im utiejlok ak jiton jabrewot armij non office eo an Attorney-General.

Section 4. Secretary eo an Finance

(1) Enaj wor juon officer an Public Service eo na etan Secretary an Finance eo im enaj jeban ra eo an Finance.

(2) Ijellokin jermal im maron ko jet kabbe e kaki kin kien, Secretary eo an Finance enaj bok edro in keboj account ko rejelet aolep money ko an armij ro im woran money ko drelontok im droijlok kajojo yio, im naj kabilok Minister eo an Finance ilo jabrewot wewin ko aolep rejelet budget eo.

Section 5. Public Service Commission Eo

(1) Enaj wor juon Public Service Commission ilo Marshall Islands eo im enaj ejak kin juon Chairman im bar 2 uan.

(2) Chairman eo im ro jet uan Public Service Commission eo Cabinet eo enaj jiton ir, iumin weppen an Nitijela ilo an kamole kin resolution.

(3) Ilo jabrewot ien, iet tata 2 ian ro uan Public Service Commission eo rej aikuij in armij in Marshall Islands; im ejelok juon uan Commission in ear dri Marshall ilo ien eo jitone, enaj bed wot im uan Commission in elane ejako an einwot juon dri ailin kein.

(4) Ejelok armij naj jitone bwe en uan ak naj bed wot im juon uan Public Service Commission eo, elane ej ak enaj erom juon uan Nitijela.

(5) Ejelok uan Public Service Commission eo naj bed ejja ilo ien eo wot ilo jabrewot office ilo Public Service eo.

(6) Juon eo uan Public Service Commission eo naj jitone non office non juon term eo im en jab lonlok jen 3 yio aitokan, botab naj bar maron in jitone.

(7) Ilo kommon jokalet kein iumin Section 5 ilo Article in, im ilo kalikar toon an armij rein jiton ir bed ilo office, enaj wor wewin ko naj kommoni non lukkun lale bwe en wonmanlok im jab bojtrak ro uan Public Service Commission eo, im lale bwe ien jemlok ko an ro uan Commission in ren jab jemlok ilo juon wot ien.

Section 6. Toon Jermal an ro uan Public Service Commission Eo

Juon eo im ej uan Public Service Commission eo emaron in make kamoje jen jea eo an jabrewot ien, ilo jeje im kamole, ilo an jeje non iben President eo; botab, jamin komakiti ak jolok jen office ijellokin wot kin ejja un im wewin ko im maron in komakit juon dri ekajet an High Court ak Supreme Court.

Section 7. Wonen ro uan Public Service Commission Eo

Wonen Chairman eo im ro jet uan Public Service Commission eo naj kalikare kin kakien.

Section 8. Wewin an Jerbal Public Service Commission eo

- (1) Iet tata 2 ian ro uan Public Service Commission eo, naj erra iben dron ilo jabrewot jemlok an Commission eo.
- (2) Ekkar non Section in im non jabrewot kakien, Public Service Commission eo enaj make lomnake wewin jermal ko an.
- (3) Ejelok jermal an Public Service Commission eo naj kajitikini, mene juon eo ear kommone jermal in ilo etan Commission eo, ilo ien eo ear jab ekkar bwe en jerbale.

Section 9. Jermal im Maron ko an Public Service Commission Eo

- (1) Public Service Commission eo, ej e eo ewor an maron im edro ion aolepen dri jermal ro an kien, im komakitkit lajtrak in jermal ko ie, im komakitkiti im bwe en bok edro in etale emonlok im edreklok an aolep ra im office ko an kien.
- (2) Ekkar non jabrewot kien, Public Service Commission eo emaron karok im kalikar wewin jermal ko an dri jermal ro an Public Service eo, im naj bar wor an jermal im maron ko jet lelok none kin ak ekkar non kakien.
- (3) Ijellokin wot, elane emoj bar karoke ilo paragraph (2) ilo Section 10 in Article in Public Service Commission eo enaj bok jermal im edro ko non Cabinet eo ikijien lolorjaki jermal ko an im kojermal edro im maron ko an, im Commission eo enaj, elane emenin aikuij, kojelaik im kabilok Cabinet eo kin wewin ko rejelet Public Service eo.
- (4) Ilo an jab kajej tokjen paragraph (3) ilo Section in, Public Service Commission eo enaj, ilo ien eo emon im mokaj tata jemlok in yio otemjej, jakemanlok non Cabinet eo juon report ikijien emon im edreklok eo an Public Service eo im kin jermal ko an Commission eo ilo kajojo yio. Juon copy in report in, enaj aikuij in jade iman Nitijela ilo regular session eo an.

Section 10. Ijton ko iloan Public Service Eo

- (1) Aolep dri jermal an Public Service eo naj jiton ir kin ak iumin maron eo an Public Service Commission eo, im, ilo lor jabrewot kien, enaj bok office ekkar non

wewin im jekjek ko einwot an Commission eo kalikare im loanake jen ien non ien.

(2) Ilo aolep wewin ko rejelet kajojo dri jermal (mene rejelet ijiton, kautiejlok, kottaiklok, komakit non bar juon jermal, kaje ak kabojrak jabrewot dri jermal jen jermal, ak bar un ko jabrewot) Public Service Commission eo ejamin bok an kabilok jen Cabinet eo, ak jen jabrewot ra ak armij, ak en jermal ekkar non maron ko an make im jermal ekkar non lajtrak ko wot im rejelet kabel an juon armij non an kommoni jermal ko an.

Section 11. Korkan Jermal ilo Public Service Eo

Ilo ejake im ukukot wewin ko non an emonlok korkan im jekjekin Public Service eo, men ko im lomnak kake naj koba

(a) aikuuj eo non an Public Service eo bwe en bukot im drebij dri jermal ro ebolemeir, im, elaptata, non kommon elon kain jermal im kobrak elon kain jermal im kajeon kommon elon kain wonmanlok ko rellap non armij in Marshall Islands;

(b) aikuuj eo non kabwe jermal non elon armij ilo Marshall Islands;

(c) aikuuj in jermal im lor wot karok ko an kien eo ikijien menin jeramon im wewin mour, ilo bok wot lomnak in ke wewin emonlok ko ikijien jermal ko ilo Public Service eo ej mottan men ko elap tokjeir non inemmon im jeramon eo an aolep armij in Marshall Islands.

ARTICLE VIII

RA EO EJ KOJBAROK MONEY

Section 1. Ran Kommon Kien eo ej Komakitkit Money

(1) Ejelok owoj enaj kommon ak bar money ko jet telli im aini, im bwe ejelok jeen an public enaj droijlok mae ien wot ne emelim iumin kien.

(2) Aolep money ko rej ilok non Kien eo an Marshall Islands renaj bed ilo juon public fund eo ekkar ak juon account eo kajurin Jemen-Ei in, ak kin kakien.

Section 2. Cabinet eo ej Bok Edroin Makitkit ko an Budget

(1) Enaj kunan Cabinet kommoni elmakot ko non Nitijela eo nae aolep makitkit ko ikijien budget.

(2) Ijelloxin wot nan in rejan ak nan in kemelim jen juon uan Cabinet eo, Nitijela ejamin ulla lok

jen konono eo kein kajuon an juon Bill ak kakobaba ejak mantak in juon uan Nitijela eo im ejak uan Cabinet eo elane Bill eo enaj, ilo an Speaker eo lomnak kake, komakit ak kamuri jabrewot jeen in owoj ko an Marshall Islands, ak manlok ak ukote (im jab ilo kilan kadrikdiklok) jabrewot wewin komakitkit ak muri ijikien kommon ak ukot ak jolok jabrewot owoj, jonak, muri, kolla ak wonen ko nae bwod.

Section 3. General Fund

(1) Enaj wor juon General Fund an Marshall Islands.

(2) Aolep owoj ko im money in drelontok ko jet ak money ko rej jebar ak tobrak tok iben Kien eo an Marshall Islands renaj ilok non General Fund eo, mae ien ne juon kakien ej komelimi bwe ren bar ilok non bar jet fund ak account kajutak kin juon un emwij karoke.

Section 4. Drojlok ko jen General Fund ak Public Account ko jet

(1) Ejelok money enaj drojlok jen General Fund eo mae ien drojlok in money kein

(a) emoj kemelimi kin juon Kien in kojemoj ak juon Kien in kojemoj non kabwebwe, ak

(b) emoj kemelimi einwot ilo kar kotmene ak bar kemour money drojlok ko ekkar non Section 7 in Article in; ak einwot juon muri ikijien money in kobetaklik ko, ekkar non Section 9 in Article in; ak

(c) non kolla muri ko emoj muriki ikijien General Fund eo kin karok eo an Jemen-Ei in, ak kin kakien.

(2) Ejelok money enaj drojlok jen General Fund eo elane ejak jen maron ko an Secretary eo an Finance, elane eboburuon kin money ko kojerbali im emwij koweppen ekkar non Section 5 ilo Article in, im bwe money kein kadrioji renaj lor ekkar non wewin ko kommoni iumin Kien.

(3) Ejelok money enaj drojlok jen jabrewot bar public fund ak account ijellokin wot elane drojlok eo an money kein emwij kemelimi kin kakien.

Section 5. Cabinet eo ej Lolorjake Drojlok in Money in Kwalok Jemlok in an Jerbal non Nitijela

(1) Ejelok money naj kojerbale ne ejelok weppen jen Cabinet ak juon armij ak eo emwij komaron im kemelim ekkar non kakien.

(2) Jabrewot melim, mene juon ak lon lok jen ro uan Cabinet eo, ejamih kadiklok maron eo an aolepen

ro uan Cabinet eo, ilo an jermal non Nitijela non aolepen money ko an public im kojerbali non an keidri eo emwij kojerbale ilo money in kojemoj ko kommon in Nitijela ak ra ko jet ejak in Jemen-Ei in ak kin kakien.

(3) Secretary eo an Finance emaron kommon an report non Cabinet eo ikijien men ko menin kokaiuriur im ko eto kitier ikijien elmakot in money ko renaj kojerbali im bwe en kommon report eo iumin tel im karok an Cabinet eo ak Minister eo an Finance einwot emoj lelok ilo wewin eo ekka kommon ak ilo wewin in.

(4) Minister eo an Finance enaj, ilo juon ien eo emokaj ilo jemlokin juon financial yio, kojedreiki iman Nitijela ilo regular session eo an, aolep account ko rejelet money ko aini im ko kojerbali ilo financial yio eo.

Section 6. Bill in Kojemoj ilo Aolep Yio

(1) Minister eo an Finance enaj, ekkar non kajojo financial yio, kojedreik iman Nitijela, ilo ien eo emokaj tata elkin wot an ijino kwelok eo elap, drettan elmakot in budget ko naj aini im kojerbale non Marshall Islands ilo financial yio eo.

(2) Elmakot in budget enaj koba aolep ijoko kotmene ke money enaj itok jeni non air kolla lok non General Fund, ekoba loon ko aini ak naj aini, im bwe aolep elmakot in money ko naj kojerbali jen General Fund ekoba ko jet ekkar non Jemen-Ei in ak jen kakien ko jet, ak kollaiki iumin kojemoj ko rej wor wot kitier.

(3) Elmakot in budget ko rejelet muri ko ej aikuij in wor juon kemelele eo ej kalikar wonen jerbale im kollaiki muri eo.

(4) Elmakot in budget eo ikijien money ko non jermal ko rellap woneir, enaj itok ibben tok juon kemelele eo ej kwalok im kalikar drettan naj wonen tokelik non kajbaroke juon men eo kaleke ak boke.

(5) Program ko emoj kolajrak ilo elmakot in budget eo non financial yio eo (ijelokin wot men ko emoj muriki ikijien General Fund eo kin Jemen-Ei in ak kin kakien ak kollaiki iumin juon kojemoj eo ej wonmanlok wot) enaj koba ilcan wot juon Bill, eo im na etan Bill in Kojemoj, eo im naj jakemantak iman Nitijela non kommon im kotlok jen General Fund eo, jonan eo aikuiji non un ko kalikari ilo Bill eo.

Section 7. Elmakot im Bar Kelajrak Money in Driolok ko

(1) Ekkar non jonok ko rej alikar ilo kakien, Cabinet eo emaron in koweppen drettan money ko ej watok bwe rekhar

(a) ilo kotmene kin lajrak eo naj kommon ilo ien in kojemoj ilo kajojo financial yio:

Ijowotke bwe drettan eo kadrioje im kollaiki iumin subparagraph in karoklok non jabrewot program ilo juon financial yio, en jab ella jen drettan eo ejanin jermal iloan money eo kojemoje non program eo ilo financial yio eo im ej jemlok lok, koba iben drettan eo im jonan wot 25 percent in money eo kar kojemoje; im bwe aolepen money eo emwij an jermal enaj koba iben money eo antone non financial yio eo; ak

(b) elane, ilo toxe eo ikotan an weppen juon kien kojemoj ilo jabrewot financial yio im jemlokin financial yio en, ekkar bwe money ko kojemoje non juon program emaron in jermal non bar juon program;

Ijowotke bwe aolep woran money ko kadrioji im kollaiki iumin subparagraph in ilo jabrewot financial yio naj jamin jemlok kin juon laplok ak driklok jen 10 percent in money ko kojemoji ilo jabrewot program.

(2) Juon lajtrak in money ko watoki ke renaj bar jermal manlok ilo kajojo financial yio, naj koba iben account ko an yio en im naj kojedreiki iman Nitijela.

Section 8. Bill ko non Money in Kabwebwe

(1) Elane, elkin an weppen kien kojemoj eo ilo kajojo financial yio, Cabinet ej lo ke emenin aikuij im ekkar non jakemanlok juon drettan money eo ella im laplok jen jonan eo emwij koweppen ilo kien komejoj eo, Minister eo an Finance emaron jake manlok iman Nitijela juon ak elonlok elmakot non money in kabwebwe ko non jonan eo watoke bwe enaj ekkak non jonan money ko rejanin kojemoji im, ak renaj, itok non kolla wonen jermal eo; im aolep menin aikuij ko rejelet elmakot in budget eo ilo kajojo wewin kein naj aikuij in lori.

(2) Program ko kolajraki ikijien aolep elmakot in money in kabwebwe ko, naj koba ilo juon Bill in kojemoj non kabwebwe, eo im naj jakemantak iman Nitijela non kommon an maron driojtok jen General Fund eo, woran ko aikuiji non kabwe driojlok ko non program ko kojemoj money noni, ikijien un ko kalikari ilo Bill in money in kabwebwe eo.

Section 9. Money in Kobetaklik ko

(1) Elane komarone kin kakien, Cabinet eo, ne ej kile ke ewor menin kaiur im men in aikuij ko ear ejelok kotmene bwe renaj kar walok ilo jabrewot kojemoj non kojermal money ko rejako, emaron kwoeppen driojlok in money jen General Fund eo non muriki ikijien money eo emoj kalikare ke ej money in kobetaklik, non kotobrak aikuij eo.

(2) Juon kemelele in aolepen money ko muriki ikijien money in kobetaklik eo, ilo kajojo financial yio, enaj koba iben aolep account ko an yio ilo an naj jadre iman Nitijela.

(3) Elane drettan money eo emoj muriki sak jab bed ilo kojemoj ilo juon Kien non money in kabwebwe, emakot in budget eo non financial yio in tokelik enaj kobaik woran money eo emoj kojerbale.

Section 10. Kojemoj ko Ejemlok Kitier

Kojemoj ko kommoni kin Kakien ko ikiijen Kojemok ak jabrewot Kakien eo ikiijen Kojemoj in Kabwebwe naj jemlok kitien jemlokin kajojo financial yio ekkar non an Kakien eo kalikare, ak ilo jemlokin juon ien eo eaitoklok einwot an kar alikar ilo Kakien ekkar non jermal eo kalikare.

Section 11. Kolla Wonen Jet Officer ro jen General Fund Eo

(1) Wonen ko naj kollaiki non ro ilo office ko an dri ekajet ro an Supreme Court eo ak ro an High Court eo, ak ro uan Public Service Commission eo im Auditor-General eo naj maron kolla jen General Fund eo.

(2) Ilo kajojo term in jermal an ro ilo office, wonen emaron in laplok ak jab driklok, mae ien wot ne kin juon driklok non aolep armij im ej kommon non an aolep ro im woneir ej aikuij in alikar kin kakien.

Section 12. Muri ko an Public Kollaik jen General Fund Eo

Aolep muri ko ilo etan Marshall Islands ej aikuij in bok edroier, naj kollaik jen General Fund eo.

Section 13. Auditor-General Eo

(1) Speaker eo enaj kelet, kin weppen eo an Nitijela, kalikare kin resolution, President eo enaj jiton juon Auditor-General an Marshall Islands.

(2) Auditor-General eo enaj maron in jermal ilo office toon wot an jimwe an jermal, mae ien ej 72 an yio.

(3) Auditor-General eo emaron, ilo jabrewot ien, kamoje jen office eo an ilo jeje kin eltan pain im jilkinlok non Speaker eo, botab, ejamin emakit ak kwijrak jen office ijellokin wot un im wewin ko ilo komakit juon dri ekajet an High Court ak an Supreme Court eo.

(4) Elane office eo an Auditor-General eo ejelok kobban, ak alikar ke Auditor-General eo, kin jet un ko, ejab maron in kommoni jermal ko an office eo an, inen Speaker eo enaj kelet im President eo enaj jiton juon non an jermal einwot juon Acting Auditor-General; im bwe Acting Auditor-General eo enaj wonmanlok wot im kommoni jermal ko an mae ien eo juon Auditor-General kaal emwij jitose in jino jermal, ak, einwot an maron mae ien Auditor-General eo enaj bar maron in bar kommoni jermal ko an office eo an.

(5) Juon armij eo emoj an kar bok office einwot Auditor-General naj jamin maron jitone non jabrewot office ko jet ilo jermal ko an Marshall Islands ilo yio ko jila elkin bojrak jen an bed ilo office eo an Auditor-General.

Section 14. Wonen Auditor-General Eo

Wonen Auditor-General eo naj kalikare kin kakien.

Section 15. Bwini Account Ko

(1) Auditor-General eo enaj bwini money ko an public im account ko an Marshall Islands ekoba ko an aolep Department ko ak office ko an ran kakien eo, ran lolorjake kien eo im ran ekajet eo ilo kien eo im ko jet an jabrewot droulul an public ak droulul ko jet rej ejak kin bar jet maron an kien im rej ejak iumin kien eo an Marshall Islands, mae ien, ikijien jabrewot kain droulul an public ak ko jet ejak iumin maron an kien, ne karok bwe juon eon ej kalikar Kakien non komaron ro jet non bwini money ko.

(2) Auditor-General eo emaron kojerbal edro ko an iumin karok an paragraph (1) ilo Section in ilo an bed ak ilo an kabbeik officer ro jet an Public Service ro im rej jermal none, im renaj jermal ekkar non wewin ko ej karoki.

(3) Non un eo ikijien kommone jermal ko iumin Article in, Auditor-General eo ak jabrewot armij eo emoj an kemelimi ilo etan naj lukkun etali aolep record ko an kien, buk ko, voucher ko, document ko, cash money ko, stamp ko, security ko, store ko ak bar jabrewot men ko jet mweien kien im rej bed ilo wonake an jabrewot officer.

(4) Auditor-General eo enaj report non Nitijela eo iet tata juon alen ilo yio otemjej elane ej kwelok ilo regular session ko an ilo watok wewin an kommon jermal ko an iumin karok an Article in, im enaj ilo report eo an, lukkun etale jabrewot bwod ko ej loi ilo account ko ej bwini.

(5) Ilo an kommone jermal ko an, Auditor-General eo enaj jamin bok an kabilok jen bar jabrewot ra an kien ak armij, ak enaj make beek wewin an jermal.

(6) Ejelok jabrewot ilo Section in enaj bobrae an Auditor-General eo lellok kabilok im jiban non jabrewot armij ak ra ko rej aer edro komakitkit money drelontok im driojlok ko an Marshall Islands.

ARTICLE IX

KIEN KO AN KAJOJO AILIN

Section 1. Maron non Juon Karokan Kien an Ailin Eo

(1) Armij in kajojo ailin ak ene ke ewor armij ie im ejab motton juon ailin, ewor air jimwe im maron non juon karokan kien eo enaj jermal, ekkar non jabrewot kakien ko ikijien wewin in.

(2) Karokan kien eo enaj, ilo kajojo wewin, kitbuj malo eo im men ko iumin ilo juon ailin ak juon ene, im enaj kitbuj meto eo im men ko iumin im ibelakin ailin ak ene ej iloan 5 mile metolok jen man-bal im ejemlok ienein meto eo an kien eo iolap.

(3) Aolepen juon ene im aolepen lojet ko ibelakin, im kien eo an ailin eo ej watoki bwe rej an, renaj bed iumin maron im karok ko an kien eo an ailin eo im ijoko me elonlok jen juon kien ie, ene im meto ko ikotair akkar non maron ko air jimor, naj kalikar im komeleleik hin kien.

Section 2. Maron in Komon Kien an Ailin Eo

(1) Kien eo an juon ailin emaron kommoni kakien ko non jikin ko wot ewor an maron ie, ijowotke kakien kein ren jab idabtok ibben jabrewot kakien ko jet jen Kien eo an Marshall Islands, im bareinwot bwe ren jab idabtok ibben jabrewot karok ak kakien jen ran komon kien eo (ijelokin wot kakien an juon Municipal) ak jabrewot karok in kakien an jikin lolorjake kien eo.

(2) Ilo jab dror jonan maron eo iumin paragraph (1) ilo Section in, juon kien an juon ailin emaron in komon owoj ko im bareinwot kojemoj money ko non menin aikuij ko an ailin eo.

ARTICLE X

MANTIN AILIN KEIN

Section 1. Kejbarok Mantin Ailin Kein Ikijien Bwirej

(1) Ejelok jabrewot ilo Article II enaj komon non kajejtokjen mantin ailin kein ak jabrewot karokan maron im jimwe ko ikijien bwirej ak jabrewot wewin ko eilok wot ilo jabrewot jikin ibelakin Marshall Islands, ekoba ijoko im rekkar, maron im edro ko an Iroiaplap, Iroiadrik, Alap im Dri Jermal.

(2) Ilo an ejelok kalijeklok non an won-manlok wot im jermal mantin ailin kein ko einwot ilo Section 1 in Article XIII, im ilo lor manit ko an dri ailin kein ak jabrewot karokan maron im jimwe ko mantak ilo jabrewot mottan ilo Marshall Islands, enaj juon wewin eo ebwod im ejumae kien elane jabrewot armij eo ewor an maron ion jabrewot bwirej ilo Marshall Islands ekkar non manit im jabrewot karokan maron im jimwe ko ion bwirej ak wewin ko ikijien lelak ak ajelok bwirej in, mene ikijien wia kake, mortgage, lease, license im wewin ko eirlok wot elane ejelok melim jen Iroiaplap, Iroiadrik ijoko ewor, Alap im Dri Jermal eo

iman ilo bwirej, eo im naj watoke bwe ej dri konono non jabrewot armij ro ewor air maron ilo bwirej eo.

Section 2. Kwalok ak Kalikar Mantin Ailin Kein

(1) Ilo an jermal einwot juon ra in kommon kien, enaj an Nitijela eo edro, ilo jabrewot ien im ilo an karok ne ekkar, kwalok ak kalikar, ilo kien, manit eo ekkar ilo Marshall Islands ak jabrewot jikin ibelakin. Manit eo naj kalikare emaron kobaik jabrewot eon ko im, ekkar non lomnak eo an Nitijela eo, rekkar im wor tokjeir non edreikiok bedbed ko redredrelok ikijien mantin ailin kein ak bar kile karokan maron im jimwe ko mantak.

(2) Section in ejab maron im komelim ak kommor bwe en bar kommon jet kien ko im renaj kajejtokjen jabrewot maron ko im lajrak iumin Article II.

(3) Nitijela ejab maron in wonmanlok wot jen konono eo kein kajuon ikijien jabrewot kien ak kakobaba non jabrewot kien eo im enaj, ekkar non lomnak eo an Speaker eo, kommon jabrewot eon non kwalok ak kalikar ekkar non paragraph (1) ilo Section in mae ien juon joint Committee eo an Council an Iroj im Nitijela eo ewor air ien im wor roman non an komone juon report, ikijien un ko konono kaki ilo kien ak kakobaba eo, im bwe jabrewot report ren itok ilo jeje.

ARTICLE XI

DRI AILIN KEIN

Section 1. Armij ro rej erum dri Ailin Kein

(1) Juon armij, mokta wot jen ran en ej jejet kitien Jemen-Ei in, eo ear juon armij in Trust Territory in ilo Pacific in enaj ilo ran en erum juon armij in Marshall Islands, elane e ak juon ian jinen ak jemen eor an jimwe im maron ion bwirej.

(2) Juon armij eo ear lotak ilo ak elkin ran en ej jejet kitien Jemen-Ei in enaj juon armij in Marshall Islands elane

(a) ilo ran in lotak eo an, juon ian jinen ak jemen ej juon armij in Marshall Islands; ak

(b) ar lotak ilo Marshall Islands im ej jab aikuij bwe en ak erum juon armij in bar juon lol ilo ien lotak eo an.

(3) Elane eor bere, kin juon application ikijien juon nan in kean ke armij eo, ekkar non Section in, ej juon armij in Marshall Islands inem menin emaron ilok non High Court eo bwe en kabene.

Section 2. Armij ro Remaron Erum Dri Ailin Kein

(1) Ne eab jekkar ilo lor paragraph (3) in Section in, jabrewot armij eo ej jab armij in Marshall Islands naj erum juon armij in ailin kein kin k'lan registration elane High Court eo ebunburuon kin application eo ilo wewin kein

(a) bwe eor an jimwe im maron ion bwirej; ak

(b) bwe e ear baj juon dri jokwe wot ilo Marshall Islands iumin en jab ietlok jen 3 yio, im e ej jinen ak jemen juon ajiri eo ej juon armij in Marshall Islands; ak

(c) bwe e ej ineen dri Marshall, im bwe ilo jejet in kien application eo an ej aikuuj in ilok none.

(2) Juon armij eo emoj an tobar 18 yio drettan naj jamin drelon etan ekkar non Section in bwe en juon armij in Marshall Islands, mae ien emoj an bok kalimur ak komone juon melim in amnak ilo Marshall Islands.

(3) Non kejbarok ailin kein ak kakien ko an nae ro eor ruc air citizenship, Nitijela eo emaron kin Kien karok im jolok jabrewot kain lajtrak in armij ro im remaron naj kar ekkar bwe ren kadrelon etair non air erum dri ailin kein ekkar non Section in, botap rejanin kar moj air register.

Section 3. Maron ko an Nitijela Ikiijen Armij in Ailin Kein

Nitijela eo emaron kommon wewin ko kin kakien

(a) non wewin bok citizenship ilo Marshall Islands ikiijen registration ilo wewin ko rejab drelon Section 2 ilo Article in;

(b) non wewin bok citizenship ilo Marshall Islands ikiijen naturalization;

(c) non jolok citizenship an jabrewot armij ilo Marshall Islands, ekkar non Article II, jabrewot lajtrak in ro rej armij in Marshall Islands un ko karokin juon kakien ekkar non Section in;

(d) non jolok citizenship ko an jabrewot kilaj in armij ilo Marshall Islands ro im rej armij in Marshall Islands im emoj air bok citizenship in bar juon lol ijelokin wot kin kilan marre;

(e) non an jabrewot armij make jolok an citizen in Marshall Islands.

ARTICLE XII

KAKOBABA NON JEMEN-EI IN

Section 1. Maron in Kommon Kakobaba non Jemen-Ei in

Jabrewot kakobaba ilo Jemen-Ei in naj erum kien ekkar non Article in.

Section 2. Karkarin Kakobaba Ko

(1) Jabrewot kakobaba ilo Article in, ak ko ilo Article I, II, ak X, ak ilo bedbed ko ikijien karokan ajeji oran ko rejejet einwot air alikar ilo paragraph (4) in Section 2 ilo Article IV, ak jabrewot kakobaba eo ej jolok ak ukotlok jabrewot wewin ko rekka (einwot ilo wewin ukot ejakin ak wewin kelet ak toon) jabrewot droulul ak office an kien im paragraph in ejelete, naj erum kien ilo ekkar non eon ko ilo Section 4 in Article in.

(2) Paragraph (1) ilo Section in naj aikuij kojerbale non:

- (a) Council eo an Iroif;
- (b) President eo;
- (c) Nitijela eo;
- (d) Speaker eo im Vice-Speaker eo;
- (e) Cabinet eo;
- (f) Supreme Court eo;
- (g) High Court eo;
- (h) Traditional Rights Court eo;
- (i) Judicial Service Commission eo;
- (j) Public Service Commission eo;
- (k) Auditor-General eo;
- (l) Chief Secretary eo;
- (m) Attorney-General eo;
- (n) Secretary eo an Finance.

(3) Jabrewot kakobaba eo im ej jab bed iumin paragraph (1) ilo Section in, renaj maron erum kien ekkar non Section 3 ak Section 4 ilo Article in, im section 2 ilo Article IV emaron bareinwot oktak ilo lor eon ko ie.

Section 3. Kakobaba jen Jermal ko an Nitijela im Referendum

Kakobaba ko ilo Jemen-Ei in im emoj kommoni ekkar non Section in naj jebar jen Nitijela eo im ekkar non Section in, naj beki im karoki einwot ne rar jakimantak kin Bill. Jabrewot kakobaba rej aikuij mokta weppen ilo konono eo kein karuo im eo kein kajilu jen iet tata ruo-mottanjilu in kobain aolep ro uan Nitijela eo, ijowotke bwe iet tata 60 ran ej aikuij in ella ikotan konono eo kein karuo im eo kein kajilu. Inem jen ijin kakobaba eo enaj wor kitien non aolep menin kotobar ko im un ko im naj watoki einwot bar mottan Jemen-Ei in elane elukkun moj an Speaker eo kamoli ke emoj air weppen jen ibben Nitijela im bareinwot vote ko rellon jen jimettan im emoj kamoli an ro remaron vote ilo juon referendum, im kain referendum rot in naj kommon einwot kalikare kin kakien.

Section 4. Kakobaba ko jen Constitutional Convention eo im ko an Referendum eo

(1) Kakobaba ko ilo Jemen-Ei in im emoj ejaki ekkar non Section in naj wor kitier non aolep menin kotobar ko im un ko im naj watoki einwot bar mottan Jemen-Ei in elane elukkun moj an Speaker eo kamoli im emoj air ilok non armij ro jen juon Constitutional Convention im emoj air weppen jen ruo-mottan-jilu in vote ko rillon im emoj kamoli an ro remaron vote ilo juon referendum. im kain referendum rot in enaj komon einwot an kakien kalikare ekkar non paragraph (4) ilo Section in jen Chief Secretary eo ekkar non paragraph (10) in Section in.

(2) Juon Constitutional Convention emaron komon ilo wot lor Section in; im enaj ejak kin ruo uan bwe en jokkin wot juon air kwelok ilo etan aolep armij in Marshall Islands; naj kalet in ro remaron ekkar air vote; im bwe oxair naj iet tata 10 lonlok jen kobain aolep ro uan Nitijela eo; im naj maron ejak im naj wonmanlok wot ekkar non karkan rule ko an make; im naj kojellaik lok Speaker eo kin menin kakobaba kein einwot an naj maron kollaiki non air jakemanlok non juon referendum.

(3) Naj aikuij bwe en ella ilon in maron eo an juon Constitutional Convention non an lomnak ak koweppen kakobaba ko im rejab ekkar non elmakot ko emoj kabbeiklok kwelok eo kaki jen Nitijela eo ak referendum eo.

(4) Ilo wot ien en ej tokaklok kamol eo an Speaker ke kojella eo emoj an tobraklok ekkar non paragraph (2) ilo Section in, inem naj an Nitijela eo jermal, ilo wot ien eo emokaj im ekkar, karok kin kakien bwe en komone juon referendum ibwiljin aolep ro remaron vote ikijien kakobaba ko komon in Constitutional Convention eo.

(5) Nitijela eo emaron ilo jabrewot ien karok, kin kakien im kalikar elmakot in kakobaba ko bwe en lomaki non komone juon Constitutional Convention, ijowotke kain kakien in ej aikuij weppen ilo konono eo kein karuo im eo kein kajilu jimor kin ruo-mottan-jilu in kobain ro uan Nitijela eo.

(6) Nitijela eo emaron ilo jabrewot ien karok, kin kakien im kalikar elmakot in kakobaba ko bwe en lomaki, non komone juon referendum ibwiljin aolep ro remaron vote ikijien kajitok eo non kir juon Constitutional Convention non lomak elmakot in kakobaba ko.

(7) Ilo wot ien en ej tokaklok juon petition eo emoj an 25 percent in ro remaron vote jaini non kir juon referendum ikijien kajitok eo bwe en komon juon Constitutional Convention non lomak elmakot in kakobaba ko ilo petition eo, inem Speaker eo enaj aikuij kamole non Nitijela eo ke petition eo emoj an jikroklok ibben.

(8) Naj an Nitijela eo jermal, ilo wot ien eo emokaj im ekkar an tokaklok kamol eo an Speaker iumin paragraph (7) ilo Section in, karok im kaben bwe en komon juon referendum ibwiljin aolep ro remaron vote ikijien

kajitok eo bwe en kommone juon Constitutional Convention non lomak elmakot in kakobaba ko ilo petition eo.

(9) Kin weppen eo jen ro ellon uer im emoj kamoli vote ko air ilo juon referendum eo ear kommon ekkar non paragraph (6) ak (8) ilo Section in, im Speaker eo emoj an kamole, naj an Nitijela eo jermal bwe en karok kin kakien non kommone juon Constitutional Convention ekkar non paragraph (2) in Section in ilo ien eo emokaj im ekkar.

(10) Elane Nitijela eo elikjab jen an karok bwe en kommone juon referendum ak juon Constitutional Convention iloan wot 60 ran elkin an moj an ilok kamol eo an Speaker non kir ejja wewin in wot, inem Chief Secretary eo enaj, ilo an jaini im jakelok non Attorney-General eo non an bar jaini im kamole, bwe en wor juon karok non kommone juon referendum ak juon Constitutional Convention ilo ien eo emokaj im ekkar.

(11) Expenses ko non kommone juon referendum ak juon Constitutional Convention renaj lori wot eon ko im Chief Secretary eo ear kommon ekkar non paragraph (10) ilo Section in, im naj kamuriki ikijien General Fund eo:

Ijowotke bwe drettan eo kollaiki ekkar non paragraph in naj jamin, ne bar ilo juon referendum, lablok jen drettan eo kojermal ikijien kommone ekaleel eo elap ej jemlok lok, im elane enaj juon Constitutional Convention, inem ej jamin lablok jen 2 percent in kobain drettan money ko Nitijela eo ear kojemoji ilo financial yio eo lok mokta.

Section 5. Kamol jen Speaker Eo

Elane ilo jabrewot ien juon kamol an Speaker eo ej menin aikuij ekkar non Article in einwot juon menin kamol ikijien an wor kitien juon kakobaba, inem Speaker eo ej aikuij lellok juon pepa in kamol elane ebunburuon bwe kakobaba eo emoj an weppen ekkar non aikuij ko an Jemen-Ei in, im ekkar non jabrewot kien ko rej jermal.

Section 6. Edro eo non Report

Enaj an Nitijela eo jermal kommon karok bwe en iet tata juon alen ilo aolap 10 yio otemjej, non an kommone juon report ikijien kabilok ko non kommon oktak im kakobaba non Jemen-Ei in, ak non kiri, ak non kommone juon referendum ikijien kajitok eo non kiri, juon Constitutional Convention non un eo ikijien bar elmakote kakobaba ko non Jemen-Ei in, im bwe report in en walok ilo jeje

ARTICLE XIII

OKTAK KO MANLOK

Section 1. Kien ko kio rej Wonmanlok wot

(1) Ekkar non Jemen-Ei in

(a) kien ko kio, mae ien emoj manilok ak julok, ekkar non jabrewot kakobaba, enaj wor wot kitier ilo ien la im elkin an jejet kitien Jemen-Ei in.

(b) solap maron im jimwe, edro im men in likjab ko me rej jino im jarjar iumin kien ko kio, renaj bed wot im wor kitier elkin ien an jejet kitien Jemen-Ei in im naj kili, kojerbali, im lolorjake ilo wewin eo ekkar.

(2) Jabrewot maron ko, edro ko ak likjab ko im kalikari im bukitok ilo etan armij in Marshall Islands iumin tel an ro emoj kelet ir bwe ren dri kwalok ilo etan naj erom, ilo ien in im elkin an jejet kitien Jemen-Ei in, juon maron, juon edro ak juon likjab an Kien eo an Marshall Islands.

(3) Ejelok jabrewot ilo paragraph (1) ak (2) ilo Section in enaj jelet jonan im drettan jabrewot maron, edro ak likjab an Administering Authority ak ko an Kien eo an Trust Territory of the Pacific Islands ak ko an Marshall Islands naj erom, ilo ak elkin an jejet kitien Jemen-Ei in juon maron, edro ak likjab an Kien eo an Marshall Islands.

Section 2. Municipal Council ko renaj Kien ko an Ailin ko

Kajojo Municipal Council, eo ewor ak ejelok an charter, mokta jen an jejet kitien Jemen-Ei in enaj Kien an ailin eo einwot lamiam ko ilo Article IX.

Section 3. Oktak in Kien Iumin Jemen-Ei in

Ilo jab kajekdron jabrewot mottan ilo Jemen-Ei in, im toon wot air ekkar bwe ren bed, Jemen-Ei in enaj jelet jabrewot mottan ko kin oktak einwot komeleleiki ilo Section 5 in Article in kin Nitijela eo, ak kommone einwot kalikare ilo Section 7 in Article in jen ak ekkar non resolution an Constitutional Convention eo kin un eo non komaron jabrewot droulul ak officer an Kien eo an Marshall Islands District eo ilo Trust Territory of the Pacific Islands non jermal, einwot jen ien eo ej jejet kitien Jemen-Ei in, einwot juon droulul ak officer an Kien eo an Marshall Islands ak non un ko non komaron Jemen-Ei in, jermal ilo juon wewin eo emon karkan jen ien eo ej jejet kitien.

Section 4. Lor im Jokkin wot juon ibben Bujer Trusteeship eo

Ilo jab kajekdron jabrewot mottan ko ilo Jemen-Ei in, im toon wot an Bujer Trusteeship eo wor kitier ilo Marshall Islands einwot mottan kien ko an Marshall

Islands, Jemen-Ei in enaj bin ilo an lor jabrewot kajojo oktak ko ilo torein manlok kommon im komeleleik ilo Section 5 ilo Article in jen Marshall Islands Nitijela non un ko non komaron an Kien eo an Marshall Islands iumin Jemen-Ei in non an jermal ilo an lor im ejelok idrabortok ibben Bujen Trusteeship eo.

Section 5. Karok ko jen Marshall Islands Nitijela

Non aolep ak jabrewot un ko rej ioklok Section 3 ak Section 4 in Article in, mottan kein ko non oktak im renaj maron jermal ej ko wot im kar kommoni, mokta jen an jejet kitien Jemen-Ei in, kin kien an Marshall Islands District eo ilo Trust Territory eo ilo Pacific Islands, ilo jela kake ej Marshall Islands Nitijela, eo kar kabine kin order an Secretary eo an Interior eo an United States.

Section 6. Lor Compact in Free Association
Eo Ibben United States

Non un eo kin jibadbad bwe en jokkin wot juon kotan Jemen-Ei in im jabrewot mottan ko ilo juon Compact in Free Association ikotan Kien eo an Marshall Islands im Kien eo an United States, im toon wot an mottan eo jermal ilo an lor ekkar ko, Jemen-Ei in enaj wor wot kitien, ilo an jab kajekdron jabrewot mottan ko ie, ilo lor wewin ko non un eo einwot an maron kommon kin Kien im einwot an naj Speaker eo maron koweppen einwot ke emoj air kar weppen kin vote an ro ellon uer im rejimwe ilo jabrewot plebiscite eo im armij in Marshall Islands renaj bareinwot koweppen Compact in Free Association eo.

Section 7. Edro ko an Constitutional Convention

Elane ilo jabrewot ien mokta jen an jejet kitien Jemen-Ei in, eon ko kin aolep oktak in kien kein manlok ak un ko jabrewot im kalikari ilo Section 3 ilo Article in reweppen kin ak ekkar non juon resolution an Constitutional Convention eo ilo kojerbal edro ko an non kommone eon eo elukkun bwe non kommoni jermal ko an Kien, im kin aolepen eon ko ilo kotan kein manlok, enaj wor kitier ekkar non jibadbad im kotobar eo air im un ko einwot ke mottan wot bar Jemen-Ei in, im enaj anjo ion jabrewot eon ko reidrabortok einwot an kalikare ilo Section 5 ilo Article in.

ARTICLE XIV

MEN KO JABREWOT

Section 1. Melele in Nan ko

Ilo Jemen-Ei in, ijellokin wot elane melele
ko iloan rej bar kalikare

"ajiri" koba ajiri in kokajiriri;

"Constitutional Convention," ilo kadkadin non
Article XIII, melelen Constitutional Convention eo im ar
kommon bwe Jemen-Ei in en ejak, im ilo kadkadin non Article
XII, ewor juon melele ear kommon ilo an jermal ilo Article
eo.

"kien manit" melelen bwe jabrewot manit ko im
kitier ej jermal einwot kien ilo Marshall Islands, im ekoba
jabrewot kakien ko rej kwalok kin kien manit;

"muri ko" ekitbu j worlok in money ko muriki
tok, money ko emwij kojnoloki non kolla wonen muri, kolla ko
ak kadrikdrik in muri ko kollaiki iumin jet ien ko emoj
karoki, im aolep money driojlok ko im rejelet money in loon
ko im eor air kobetaklik ikijien money drelontok ko an
Marshall Islands ak ko an General Fund eo, im wewin an muri
ko jermal im air jeblak einwot an moj ejaki;

"kien ko kio" melelen kien ko kio im eor
kitier ilo Marshall Islands mokta jen ran en ej jejet kitien
Jemen-Ei in; im ekitbu j jabrewot men ikijien ran kakien eo
im ran lolorjake kien eo im ewor kitien kien ko air einwot
an moj koweppen mokta jen ran en ej jejet kitien im jino
jermal ilo elkin ran en ej jejet kitien;

"financial yio" melelen bwe yio eo ej ijino
ilo 1 ran in October ak jet bar ien iloan 12 allin ko einwot
an maron alikar ilo kakien;

"ekaleel eo elap" melelen juon ekaleel eo
kommone non aolepen ro uan Nitijela ekkar non Section 12 ak
Section 13 ilo Article IV;

"joint committee" melelen juon committee an
Council an Iroj im eo an Nitijela, rej jermal ibben dron;
"joint conference" melelen juon kwelok ikotan
ro uan Council an Iroj im ro uan Nitijela;

"maron ko ion bwirej" melelen bwe maron ko
ion bwirej ilo Marshall Islands ekkar non manit ak jabrewot
karokan maron im jimwe ion bwirej;

"uan Nitijela" melelen juon armij eo emoj
kalete non an itok ikijien juon bukon in ekaleel im ej jijot
ilo office einwot juon uan Nitijela; im, ijellokin wot ne
kobain melele ko iloan rej kalikare ilo bar juon wewin
eoktak, aolep kain kamol ko non juon eo im ej uan Nitijela
ilo Jemen-Ei in naj, ien otemjej ikotan jemlokin Nitijela im
kwelok eo moktata an Nitijela elkin wot ekaleel eo elap, naj
kiri einwot juon eo ej belik et eo im ear etan juon eo
uan Nitijela wot mokta jen an kokaal;

"kien ko an bukon" melelen kien ko kommoni
mokta jen an jejet kitien Jemen-Ei in, jen jabrewot ailin
ilo Marshall Islands ilo kojermal maron ko kalikari iumin
kien ko an Trust Territory in;

"jemen ak jinen" ekoba eo bok e bwe en jinen
ak jemen;

"President eo kelete" melalen juon eo uan Nitijela im kelete non office eo an President ekkar non Section 3 ilo Article V, ilo kotan ekaleel eo im ien eo kelet eo an ejemlok kitien, ekkar non Section 4 ilo Article V;

"juon dri vote" melalen juon eo ewor an maron non vote ilo jabrewot bukon in ekaleel ilo juon ekaleel non juon uan ak ro uan Nitijela;

"aolep ro uan" ilo kadkadin non Nitijela eo, melalen aolep kobain oran ro uan Nitijela eo einwot emoj karoke ak ilo an lor Section 2 ilo Article IV;

"vote in jeleke" melalen juon bebe in jeleke ilo Cabinet eo, eo emoj jaroke im koweppene jen ro ellon uer ilo Nitijela.

Section 2. Armij ro rej Kommoni Jerbal ko an Juon Office

Non kamole ke ej dri jermal in juon office einwot an kwalok ilo Jemen-Ei in, ekoba jabrewot armij eo ilo ien eo ej kommoni jermal ko an office eo ekkar non kien.

Section 3. Wewin Beek Quorum im Jimwe in Vote

Ilo jabrewot wewin im Jemen-Ei in ej kalikar oran ro uan jabrewot droulul eo im naj maron kajur juon quorum, im bwe oran eo naj aikuuj kitbuj eo im ej uan droulul im ejja ilo tore in wot ej tel ilo kwelok eo; im bwe armij in ej tel naj wor an maron in vote ilo jabrewot menin konono ko.

Section 4. Ien ko, Ran ko, im Tore ko

(1) Ilo jabrewot wewin ne Jemen-Ei in ej kalikar juon ien ak juon ran eo ej karoke, ak juon tore non libjerjere jabrewot edro in jermal ak elane elokan jarjar jabrewot men ak ikijien bar jabrewot un

(a) ran eo ak ran eo eliktata ilo tore eo enaj jamin kobaik ran eo im tore eo ear jino ie;

(b) elane ien ak ran ak ran eo eliktata in tore eo ebunit juon ran in Jabot ak juon ran in kakije an kien, inem ej aikuuj kommon ilo ran in jermal eo juon ej bedo tok im ejab Jabot ak ran in kakije an kien.

(2) Ilo jabrewot wewin eo, im ien ak ran eo kalikare kin kien ak ekkar non Jemen-Ei in ikijien jabrewot ekaleel ak kwelok ko an Nitijela emoj air eila, im ejelok ekaleel en enanin kommon ak ejelok kwelok an Nitijela enanin

bar kommon, ekaleel im kwelok eo naj aikuuj in kommon ilo juon ien eo emokaj einwot ej alikar bwe ekkar im jejet; im elane ebar ejelok wewin ko kar kalikare kin kien ak ekkar non Jemen-Ei in non karoke juon ien eo ekaal ak ran non ekaleel eo ak kwelok eo an Nitijela, juon ien ak ran eo ekaal naj maron in karoke jen High Court eo.

Section 5. Kajur in Text Kein

Kajin Marshall im English aolep ilo Jemen-Ei in ewor kilairro jimor, ijoke elane ewor ijoko im roktak jen dron is inem naj lor kajin English eo.

Section 6. Ran eo enaj Jejet Kitien Jemen-Ei In

Ien eo im Jemen-Ei in enaj jejet kitien ej ilo May 1, 1979, elane emoj an weppan jen ro im elon uae ilo juon referendum eo ejimwe im jejet.

ADOPTED BY THE MARSHALL ISLANDS
CONSTITUTIONAL CONVENTION
(WEPPEN JEN CONSTITUTIONAL CONVENTION
EO AN MARSHALL ISLANDS)

December 21, 1978

Ruben R. Zackhras
Ruben R. Zackhras, President

Hermios Ribin
Hermios Ribin, Secretary

Jorweto Abin
Jorweto Abin,
Ujae

Bintoni Abraham
Iroij Binton Abraham,
Ujlang & Enewetak

Salimon Anram
Salimon Anram,
Jabuit

Artaji Andrew
Artaji Andrew
Arno

Atlan Anien
Atlan Anien,
Namo

Massa Attari
Massa Attari,
Utrik

Ajlok Beasa
Ajlok Beasa,
Namdrik

Michael Capelle
Owner Michael Capelle,
Likiep

Chuchi Chutaro
Chuchi Chutaro,
Member-At-Large

Kramer deBrum
Kramer deBrum,
Likiep

Nelou Elain
Lerolj Neilan Elaisha,
Nitijela District #1

Kanchi Ibbino
Kanchi Ibbino,
Arno

Ismael John
Ismael John,
Ujelang & Enewetak

Labwe Jorju
Labwe Jorju,
Rongelap

Kunio Juana
Kunio Juana,
Ailinglaplap

Iroi J Imada Kabua
Iroi Imada Kabua,
Nitijela District #4

Iroi J Jinna Keju
Iroi Jinna Keju,
Mejit

Jina J. Levin
Jina J. Levin,
Majuro

Lalej Zeit
Lalej Zeit,
Milli

Iroi Namo Hermion
Iroi Namo Hermion,
Nitijela District #1

Bija Jerwan
Bija Jerwan,
Lib

Ausa Jonathan
Ausa Jonathan,
Aur

Pija Joseph
Pija Joseph,
Lae

Amata Kabua
Amata Kabua,
Member-At-Large

Alex Keju
Alex Keju,
Mejit

Isaac Lanwi
Isaac Lanwi,
Wotje

Iroi Lorok Lepon
Iroi Lorok Lepon,
Nitijela District #2

Iroi Anjua Loeak
Iroi Anjua Loeak,
Nitijela District #4

[Signature]
Kotak Loak,
Kwajalein

[Signature]
Ameer Lomae,
Jaluit

[Signature]
Tojiro Lomae,
Kwajalein

[Signature]
Anekka Lomae,
Jabot

[Signature]
Lomes McKay,
Malcoelap

[Signature]
Jibrok Mwekto,
Ebon

[Signature]
Leroij Naimata Nakamura,
Nitijela District #3

[Signature]
Kassai Note,
Ailinglaplap

[Signature]
Nathan Note,
Bikini & Kili

[Signature]
Iroij Henry Samuel,
Nitijela District #2

[Signature]
Billy Sawej,
Majuro

[Signature]
Toka Sawej,
Majuro

[Signature]
Emijwa Takbedre,
Wotho

[Signature]
Iroij Rilang Tarkein,
Arno

[Signature]
Zebedy Tankwon,
Majuro

[Signature]
Anibar Timothy,
Majuro

[Signature]
Iroij Litokwa Tomsing,
Nitijela District #3

[Signature]
Leed Typhoon,
Iiluk